

四庫全書

子部

欽定四庫全書

子部

證治準繩卷一百六

詳校官八醫院醫官臣姜晟

編修臣倉聖脈覆勘

總校官進士臣朱鈴

校對官助教臣卜維吉

謄錄監生臣樊宗清

欽定四庫全書

證治準繩卷一百六

外科

疔瘡

疔瘡者以其瘡形如丁蓋之狀而得名皆生頭面四肢
發黃疤中或紫黑必先癢後痛先寒後熱凡人一二日
間惡寒發熱四肢沉重心悸眼花頭疼體痛稍異如常

明 王肯堂 撰

之證須宜徧身尋認如有小瘡與嘗患之瘡稍異即是
疥也大抵起紫疱者多起堆核者少發於手上者多發
於別處者少生兩足者多有紅絲至臍生兩手者多有
紅絲至腋生唇面口內者多有紅絲入喉以鍼刺瘡不
痛無血是其候也經云膏粱之變足生大疔大抵多由
恣食厚味卒中飲食之毒或感四時不正之氣或感蛇
蟲之毒或感疫死牛馬猪羊之毒或人汗入肉而食之
皆生疔瘡各宜審而治之若嘔逆直視譫語如醉者不

可治矣又有內疔一證與外疔之證大同但瘡形不現過數日間有一處腫起者即是內疔所發之處但腹痛甚者便須作內疔治之不可緩也緩則殺人 華元化云疔有五色屬五臟紅屬心發於舌根青屬肝發於目下黃屬脾發於口唇白屬肺發於右鼻黑屬腎發於耳前以種類言之千金方外臺秘要神巧萬全方皆稱一十三種殆不止也 麻子疔狀如麻子而稍黑四邊微赤多痒少痛忌食麻子油衣麻衣并入麻田中行穿麻

布人 火疔發於頂門或發於面身熱如火狀如湯火
燒灼瘡頭有黑靨四邊烟焰又如赤粟米忌火灸燒鍼
烙 脾疔生於唇四白 眉疔生於眉 髭疔生於髭
中 龍泉疔生於唇上 虎鬚疔生於唇下 魚尾疔
生於眼角外 顴疔生於顴骨上亦名赤面疔其狀色
白頂陷如錢孔鼻有紫色者大凶 耳疔生於耳中亦
名黑疔連腮赤腫 鼻疔生於鼻內痛引腦門不能運
氣鼻如大瓶黑色者不治 頰疔生於面頰骨尖高處

氣疔形如氣泡感怒而生 腐疔色白有鮑三日內
頂陷狀如初灸瘡因夏月造豆腐時人汗滴於內食之
而生忌食豆腐 鬼疔因中陰邪之毒而生 瓜藤疔
延蔓無數忌瓜田中行 石疔皮肉相連堅硬如石刺
之不入肉微痛忌砂礫 鹽膚疔大如匙而四邊皆赤
有黑點如粟粒起忌食鹽物 水洗疔狀如錢形或如
錢孔瘡頭白裏黑厭汁出而中硬極癢透骨搔則快然
忌水洗渡河及飲漿水 浮嘔疔其狀圓曲少許不合

長而狹如薤葉大內黃外黑黑處刺不痛黃處刺則痛
三十六疔其狀頭黑浮起形如黑豆四畔起大赤色
今日生一明日二後日三乃至十若滿三十六藥所不
能治未滿者可治俗名黑彪忌嗔怒蓄積愁恨 猪疔
形圓而小瘡口內有油 羊疔形長而白色 牛疔形
圓而小瘡內無油彪起搯不破有寒熱 狗疔色赤而
長或帶尖與牛疔同無忌不殺人 驢馬疔其狀三角
頂上有黑點根脚有赤色或突起 水疔狀如水泡因

飲隔宿水而生忌飲水 臍疔生於臍 脇疔生於脇

刀鎌疔狀如薤葉長寸許肉黑如燒烙忌刀鍼 暗

疔生兩腋下而無頭但 下堅 四肢拘急寒熱大作

陰囊腫痛罩丸附生突兀如疔寒熱併作亦名暗疔

寸疔生手指骨節間 虎口疔生合谷穴 魚臍疔狀

如魚臍 茱萸疔中凹邊突 蛇眼疔頭黑皮浮形如

小豆狀似蛇眼忌惡眼看并嫉妬人見之及觸毒藥

紅絲疔一名血箭疔一名赤疔一名紅演疔生於舌根

下或生頭面或生手足骨節間其證最急宜迎其經刺
出惡血則愈稍遲毒氣攻心嘔噦迷悶者死若絲近心
腹者就於絲盡處刺出惡血更挑破初起瘡頭以泄其
毒 芝蔴疔走注不定偏身疼痛不能轉側 爛疔潰
出膿水大如匙面色稍黑有白斑忌沸湯熱食爛物
雌疔瘡頭稍黃向裏膿亦似灸瘡四面皸漿起心凹色
赤大如錢孔又有一枚在他處以水噴之則見大忌房
事 雄疔其狀頭黑膿突起四畔仰皸漿起有水出色

黃大如錢孔忌房事 黃疔有眼在皮發如齒齦之色
手足麻木涎出不語者死 黑疔狀如黑鮑 櫻桃疔
狀如櫻桃 蛇頭疔生手指頭兩旁狀如蛇頭甚腥穢
紫黑色痛引心有潰爛脫落者 足面疔狀如粟米痒
極入骨急隔蒜灸之 大抵如豆如白如箔金如茱萸
如石榴子或發疹搔破而青黃赤色汁出或衣物觸著
而疼痛忽生或白而腫實或赤而浮虛其狀不一初覺
頂不起者急隔蒜灸之灸而有皰者吉無皰者凶服汗

齧得汗則生無汗則死刺出紫血者危出黑血者死

緩者一日瘡頂皴色微白二日皴色大白三日月色微紫
四日月色真紫皆緩之候也 急者五日月色微青小緊六

日色深青大緊七日月色黑其形如魚臍或如灸瘡之狀
皆急之候也 凡生疔瘡身熱頭疼手足溫飲食如

常疔之四圍赤腫名曰護場可治 凡生疔瘡眼白睛

癡不轉渴欲飲水內熱瘡盛唇舌青卧牀不能起五心
腫頭暈眼花氣羸食不進脈伏譫語惡心腹痛冷汗出

手足冷滑泄無度疔之四圍無赤腫名曰不護場不可
治 瘡證吉者有應如生一疔之外別處肉上再生一
小瘡即是有應可用鍼挑破護場瘡四圍有赤腫生多
瘡者謂之滿天星飲食如常頭痛身熱手足溫 瘡證
凶者無應別處肉上無瘡不護場疔四圍無赤腫腹痛
甚者有內疔若毒入心腹眼黑如見火光煩悶嘔逆恍
惚癡眠腫人不動赤脈貫睛胸脇赤腫瘡陷不起發皆
死候也 凡疔瘡必有紅絲路急用鍼於紅絲所至之

處出血及刺疔頭四畔出血若鍼之不痛或無血者以
鍼燒紅頗烙患處以痛為度若下部所患多宜隔蒜灸
之痛則灸至不痛不痛則灸至痛若灸之而不痛者宜
明灸之及鍼疔四畔出去惡血却以稜鍼深刺破疔頭
瘡口用海馬拔毒散敷之或雄礬丹敷之待疔四圍發
黃飽浮腫知痛為佳若疔未發用火鍼四畔亂刺如有
紅絲脈盡處亦以火鍼四向刺斷其絲脈如此樣刺了
即敷藥若疔不痛不發者用艾火於疔瘡上灸之三壯

候瘡邊起黃皰發後方可貼膏藥凡疔腫皆刺中心至
痛又刺四畔令出惡血去血敷藥藥氣入鍼孔佳若不
鍼透瘡內不得力也若起紫疱初然切不可鍼破服藥
趕出皰自破出血水為妙若服藥皰又不破方以鍼挑
破無妨若起紫皰腫痛者以萬病解毒丸外塗內服若
成膿不乾者以米醋調鐵鏽塗之自然凸出膿水即乾
多有患此不覺而竟死者用燈照看徧身有小瘡即
是疔毒宜灸瘡處候甦更服敗毒藥并追疔奪命湯若

內疔之證用化毒丸置舌上含化出涎或只用蟾酥一粒重者二粒置病人舌上含化化後良久用井水漱去毒涎為妙若牙關緊急及喉內患者並宜含蟾酥丸或硃墨丸良久用井水漱去更宜服二九少停又服二九又服奪命丹或雄黃丸通利一行得利為度又用霹靂火汗之再用前藥調之或初生一箇次生二箇逐漸流注者急將初生者用鐵筒拔毒膏點破消蝕惡肉即不流注却以油髮蛇退土蜂房皂角刺各另燒存性等分

白芨減半為末搥之以平瘡口此即前所謂三十六疔者也其魚臍疔瘡頭深黑破之黃水滲出四畔浮漿其毒尤甚通用前法及服萬病解毒丸以清心行血 治法表實者宜解表以荆防敗毒散追疔奪命湯初發之時必發熱身疼此乃毒氣在表故發表則毒從毛腠而出裏實者宜攻裏以救命追黃湯連翹攻毒散表證皆罷毒氣入裏口渴便秘毒在內也故攻裏則毒從臟腑而出 表裏俱實者宜解表和裏以化毒消腫和裏

散加紫河車獨脚蓮紫金藤苦花子其證發熱身疼口渴便秘乃表裏俱見故攻發並用也 腫勢盛脈浮數

者宜散之蟾酥丸返魂丹 毒勢盛脈沉實者宜下之

奪命丹萬病解毒丸 無表裏證服散毒消毒藥後以

復元通氣散加麝香少許 虛弱人以五香連翹湯合

十宣散稍虛者只以人參敗毒散

按五香連翹湯乃溫熱走竅之藥既是虛

人豈其所宜常用薛氏法為長

疔毒拔出用金銀白芷散十宣散調

理未潰者不須此藥 初發惡寒發熱或拘急或頭疼

或寒熱交作或肢體重痛或大便秘結宜以敗毒散加
防風荆芥連翹黃芩青木香金銀花天花粉大黃生地
黃若無惡寒但發熱者可服劫瘴消毒散十神散萬全
散若表證皆罷毒氣入裏者可用雄黃丸 怯弱之人
不可用峻利藥攻之宜隔蒜灸五十壯以人參敗毒散
數劑若生道遠位僻之處非峻利則藥力不到若以峻
利則胃氣先傷虛虛之禍有所不免不若灸之為宜
疔瘡四畔紅赤漸散開濶走黃不止此名疔瘡走黃宜

以通聖消毒散通利兩三行次去大黃朴硝調理而愈
或解毒消瘴散亦可用之有效此宜作瘴氣治之無誤
疔瘡腫硬脈數煩躁喜冷口渴便秘宜以連翹攻裏
散一服次用蟾酥丸若兼有表邪者以荆防敗毒散加
金銀花天花粉大黃連翹脈實有熱更加黃連黃芩或
只加苦花子退熱治瘴之妙藥也 若因剝割疫死牛
馬猪羊醫悶身冷遍體俱有紫泡此疔毒也急灸泡處
良久遂甦即以人參敗毒散加防風荆芥投之 若忽

然惡寒作嘔肩臂麻木手心癢癢遂發悶不自覺知但有一泡此疔毒也急灸五十壯而甦又五十壯知痛投以荊芥敗毒散而愈古人謂暴死多是疔毒急用燈照偏身若有小瘡紫泡異常者即是急灸其瘡但是胸腹溫者可救 若因開割瘡死牛馬猪羊之毒或食其肉致發疔毒或在手足或在頭面或在胸腹或在脇肋或在背脊或在陰胯或起紫泡或起堆核腫痛創人發熱煩悶頭疼身痛骨節煩疼先用天馬奪命丹次用四神

九解毒消瘴散次以七神散又以萬病解毒丸劫瘴消
毒散兼服硃墨丸并用祛瘴散多用毛屎梯根磨水服
或仙人薯根磨水服如不熱磨酒服大熱不退者宜用
退熱消毒飲又要以蘊瘴散蘊住不使走黃又以洗瘴
散淋洗次以刷瘴散塗刷若成瘡以揆瘴散揆之好膏
藥貼之若患疔瘡始初不覺不會用前法出汗過數
日外證皆罷或在胸腹之間或在胸之下腫起此乃毒
氣入裏所致用霹靂火治之若服當歸散外證不解者

亦急用霹靂火發散 若疔瘡在兩脇間毒氣欲奔心
乃危急之證也可急於瘡尖上用艾炷灸三五壯仍於
灸穴前後左右鍼出少血灸瘡四圍有皴起吉無皴凶
若疔在虛軟不便處不可用鍼只可用松鍼法針斷紅
絲路若生兩胯間毒氣欲奔腎者用松鍼法於兩胯紅
絲路盡處針斷出血若生頭面上者可於項間紅絲路
盡處針斷出血若各處紅絲路亦有不現者亦可以消
詳用松鍼法針之凡用松鍼者蓋因紅絲路不現無可

下針故用此法於項下脇下腋胛虛輭之處針斷紅絲
路不使毒氣攻心攻腎而已 若手足厥冷六脈俱絕
者此毒氣已深氣血為毒氣所併不能通流故體冷而
脈不見宜木香流氣飲連進數服氣血通流脈自回矣
然後依法治之萬不失一 內疔之證與外疔並同亦
發寒熱頭疼身痛但瘡形不現不過數日胸背腹脇頭
面手足間或有一處腫起即內疔所發之處急用霹靂
火如前不護場汗法於腫處出汗若身體寒熱雖未有

腫起但腹痛甚者便須作內疔證用後法治之不可緩也 治內疔蟾酥須於取時用桑葉小錢大入蟾酥搗和得所九如珍珠大陰乾用

治驗 張嗣伯嘗聞屋中呻吟聲曰此病甚重乃往視之見一老姥稱體痛而處處有黯黑無數張還煮斗餘湯送令服之服訖痛勢愈甚跳投牀者無數須臾所黯處皆拔出釘長寸許以膏塗瘡口三日而復云此名疔疽也 羅謙甫曰丙午歲予居藁城人多患疔瘡縣尹

董公謂予曰今歲患疔瘡者極多貧民無力醫治近於
史侯處得數方用之者無不效官給藥錢君當捨手治
之遂諾其語董公榜示通衢命予施藥如此一年全活
甚衆其用保生錠子千金托裏散神聖膏藥破棺丹凡
四方 郭氏治一婦年近六十右耳下天聽穴間患一
疔瘡其頭黑靨四邊泡起黃水時流渾身麻木發熱譫
語時時昏沉六脈浮洪用烏金散汗之就以鉗針先刺
瘡心不痛周遭再刺十餘下紫黑血出方知疼痛就將

寸金錠子絛入瘡内外用提丁錠子放於瘡上膏藥貼
護次日汗後精神微爽却用破棺丹下之病即定其疔
潰動後用守効散貼塗紅玉錠子絛之八日其疔自出
矣茲所謂審脈證汗下之間治以次第如此視彼不察
脈證但見發熱譫語便投涼藥與下或兼以香竄之藥
遂致誤人者徑庭矣 薛已治一婦左手指患疔麻癢
寒熱惡心左半體皆麻脈數不時見痛凡瘡不宜不痛
不可大痛煩悶者不治今作麻癢尤其惡也用奪命丹

二服不應又用解毒之劑麻癢始去乃作腫痛薛曰勢雖危所喜作痛但毒氣無從而泄乃針之諸證頓退又用解毒之劑而瘡蘇庠盛原博掌後患疔紅絲至腕惡寒發熱勢屬表證與奪命丹一服紅絲頓消又用和解之劑大勢已退彼又服敗毒藥發渴發熱紅絲仍見脈浮大而虛此氣血受傷而然以補中益氣湯主之而愈蓋奪命既服瘡邪已散而復用敗毒之劑是誅伐無過失內經之旨矣 一儒者患疔元氣素弱薛補其氣

血出膿而愈後因勞役瘡痕作癢乃別服敗毒散一劑
以致口噤舌強手足搐搦痰涎上湧自汗不止此氣血
復傷而復瘥也用十全大補加附子一錢灌服而甦
一男子患疔服奪命湯汗不止瘡不痛熱不止便不利
此汗多亡陽而真氣傷矣用參芪歸朮芍防五味二劑
諸證悉退惟以小便不利為憂薛曰汗出不利小便汗
止則陽氣復而自利矣仍用前藥去防風加麥冬倍用
黃芩當歸四劑而便行瘡潰而愈表甥居富右手小

指患疔色紫或云小瘡針刺出血數以涼藥掌指腫三四倍黯而不痛神思昏潰煩躁不寧此真氣奪而邪氣實也先以奪命丹一服活命飲二劑稍可薛因他往或徧刺其手出鮮血碗許腫延臂腕焮大如瓠手指腫數倍不能潰薛用大劑參芪歸朮之類及頻灸偏手而腫漸消但大便不實時當泄氣此元氣下陷以補中益氣加骨脂肉菹吳茱五味大便實而氣不泄又日以人參五錢麥冬三錢五味二錢水煎代茶飲之又用大補藥

五十餘劑而漸愈此證初若不用解毒之劑後不用大補之藥欲生也難矣 一人年二十唇患疔四日矣有紫脈自瘡延至口內將及於喉薛曰此真氣虛而邪氣實也若紫脈過喉則難治矣須針紫脈併瘡頭出惡血以泄其毒則可乃別用解毒之劑頭面俱腫求治甚篤薛曰先日之言不誣矣診其脈洪數按之如無口內腫脹針不能入為砭面與唇出黑血碗許勢雖少退略進湯終至不起 都憲張恒山左足指患之痛不可忍急

隔蒜灸三十餘壯即能行步欲速愈或用涼藥敷貼遂致血凝肉死毒氣復盛再灸百壯服活命飲出紫血毒纔得解脚底通潰腐筋爛肉甚多將愈誤用生肌藥反助其毒元氣虧損而不能愈薛治以托裏藥喜其裏實客處三月餘方愈大凡疔患於肢節灸法有回生之功設投以涼劑收斂腠理隧道壅塞邪氣愈甚多致不起若毒未盡驟用生肌輕者反增潰爛重者必致危亡

一男子足指患疔腫焮痛亦用隔蒜灸人參敗毒散加

金銀花白芷大黃二劑痛止又用十宣散加天花粉金
銀花去桂數劑而愈 濮陽傳云萬厯丁亥金臺有婦
人以羊毛徧鬻於市忽不見繼而都人身生泡瘤漸大
痛死者甚衆瘤內惟有羊毛道人傳一方以黑豆蕎麥
為粉塗擦毛落而愈名羊毛疔

荊芥敗毒散

方見
腫瘍

加菊花葉妙鮮者搗汁入藥尤良治

疔瘡

黃連 羌活 青皮 白殭蠶 防風 獨活

蟬蛻

細辛

赤芍藥

甘草節

獨脚茅

各等分

右咬咀每服五錢先將一服入澤蘭葉少許薑十錢重同擂爛熱酒和服然後用酒水各半盞薑三片煎服病勢退減後再加大黃少許煎服畧下一二行蕩去餘毒更用白梅蒼耳子研爛貼瘡上拔去根脚二活散

羌活

獨活

當歸

烏藥

赤芍藥

金銀花

連翹

天花粉

甘草節

白芷

各四錢半

紅花

蘇木

荊芥

蟬蛻

乾葛

各三錢

檀香

二錢

右為細末每服三錢煎蒼耳湯調下

奪命丹

治疔瘡發惡心及諸惡瘡

蟾酥

乾者半錢酒化

硃砂

水飛三錢

輕粉

五分

枯礬

寒水石

水飛

各一錢

銅綠

一字

麝香

一字

海羊

二十個

研即蝸牛也不用亦效

右件為細末將海羊另研為泥和藥一處丸如菜豆

大如丸不就加好酒成之病輕者一九二九重者三

九未效再服服時嚼葱白一大口極爛置手心放藥

丸於葱內裹合以熱酒送下暖處卧取汗出為效忌
冰水薛氏銅綠麝香沒藥乳香各一錢

返魂丹

瑞竹

治三十六種疔

硃砂

膽礬

各一兩半

血竭

銅綠

蝸牛

生用

雄黃

枯白礬

各一兩

輕粉

沒藥

蟾酥

各半兩

麝香

少許

右將蝸牛蟾酥研爛餘藥為細末同研和丸如雞頭
大每服一九令病人先嚼葱白三寸吐在手心將藥
丸裹在葱白內用熱酒一盞吞下如重車行五里許

有汗出即瘥如不能嚼葱研爛裏下極効
又返魂丹 經云汗之則瘡愈必用此藥汗之

乳香 沒藥 辰砂 雄黃各一錢半 輕粉 片腦

麝香各五分 海羊即蝸牛也 不拘多少 蟾酥 青黛 粉草

硃砂 錢各一

右為細末用海羊搗膏為丸如雞丸加酒麵糊些少
丸如彈子大每服一丸兼生葱頭二三箇細嚼嚥下
疔腫及癰腫毒氣入膈者得微汗即解 一方加銅

綠寒水石輕粉枯礬各一錢重

飛龍奪命丹 治疔瘡發背腦疽乳癰疽附骨疽一切

無頭腫毒惡瘡服之便有頭不痛者服之便痛已成者服之立愈此乃惡證藥中至寶病危者服之立可矣萬無一失此乃家傳之秘方一生受用不敢輕洩神速之驗即愈立効

輕粉

腦子

無亦可

麝香

各半錢

血竭

膽礬

寒水

石

各一錢

蟾酥

乾者酒化

乳香

沒藥

硃砂

為衣

銅綠

各二錢 雄黃三錢 蝸牛二十一箇 蜈蚣一條 酒炙
無亦效 黃去頭足

右為細末先將海羊連殼研為泥和前藥為丸如菉
豆大如丸不就入酒打麵糊為丸每服二九先用葱
白三寸令病人嚼爛吐於手心男左女右將藥丸裹
在葱白內用無灰熱酒三四盞送下於避風處以衣
蓋覆之約人行五里之久再用熱酒數杯以助藥力
發熱大汗出為度

初覺二九即消如汗不出重者再服二九汗出即効

三五日病重者再進二丸即愈如疔瘡走黃過心者
難治之汗出冷者亦死矣如病人不能嚼葱搗碎裹
藥丸在內熱酒送下瘡在上食後服瘡在下食前服
服此藥後忌冷水黃瓜茄子油猪雞魚肉濕麵一切
發風發瘡毒類之物不可食之又忌婦人洗換狐臭
百發百中此藥活人多矣

走馬赴筵丹 治疔瘡

沒藥 乳香 硼砂 硃砂 雄黃 輕粉

錢各三

片腦一分麝香少許

右為細末蟾酥汁和為丸如黃米大每服一九溫酒

送下

救生丹 治諸腫疔瘡眼內火光出昏迷不醒

右於三月辰日採桑葉荊葉用竹針穿成孔用紙裏
封固陰乾至端午日研為細末用蟾酥和為丸如小
豆大用時再以雄黃同藥一九研細放舌中汗出效
右奪命返魂等方皆蟾酥雄硃等攻毒之藥非發汗

藥也而能發汗者乃追逐毒氣從腠理而出為汗故也

羅氏破棺丹 治瘡氣入腹危者

大黃

二兩半生半熟

甘草

芒硝

各一兩

右為細末煉蜜丸如彈子每服半丸食後溫酒化下或童溺半盞研化之忌冷水

又破棺丹

一方有當歸赤芍連翹牡蠣金銀花紫花地丁宜選用之

山梔

牽牛末

大黃

各一兩

甘草

京三稜

炮各七錢

右煉蜜丸如彈子大酒化服之

內托連翹散 疔瘡出時皮色不變及不疼痛按搖不動身發寒熱便是此瘡有水疔魚臍疔紫燕疔火疔諸般疔瘡如瘡黃於黃上用針刺仍服內托散自然消散

連翹 白芷 生地黄 赤芍藥 各一兩 大黃 去皮

黃梔 去頂 薄荷葉 各七錢 朴硝 二兩 黃芩 去心 半兩

甘草 一兩半

右為麤末每服一兩水一碗燈心竹葉煎七分其人喘加人參少許大病只三四服愈如服了心煩嘔用不二散止之

甘草

半兩
棗豆粉一兩

右為末作二服酸齏水下

奪命丹 治疔瘡大便秘實不通者或心腹痛者

巴豆

去殼大黃

各一錢

鬱金

雄黃

乳香

各五分

硃砂

黃丹

各三分

輕粉

二分

麝香

少許

蟾酥

不拘多少

右末麵糊為丸如菉豆大隨虛實服之茶清送下五
七丸至九九止以利為度如無此丸以雄黃丸代之

雄黃丸 治證如前

巴豆

十四粒

麝香

少許 全蠍

牙皂

雄黃

大黃

鬱金

各一錢

右末米糊丸如菉豆大硃砂為衣每服五七丸茶清
送下以利為度

追毒丸

海浮石

燒赤醋淬七次半兩

乳香

沒藥

各一錢

巴豆

四十粒

川烏

一兩

右為末醋糊丸如桐子大若患二三日服十九五六日服十四丸隨病上下服之先喫冷酒半盞或一盞又用冷酒吞下如嘔吞之不妨出藥依上服之病人大便不動再用三丸如疔看得端的瓜破用頭垢留患處後服藥

五聖散

治疔瘡

皂角鉞二兩 枯薑一箇 大黃 金銀花 生薑

甘草 各一兩

右咬咀用好酒二升同煎至八分去渣不拘時溫服
奪命返魂散 治一切疔瘡增寒發熱昏悶不語腫偏
皮膚不思飲食

大黃 連翹 山梔子 已上各二錢半研為細末 巴豆 杏仁

各二錢麴皮同炒 人言 五錢用大蒜五箇去心裝
黑色研為細末 入人言同燒過性研為末

牽牛頭末 苦丁香 各一錢

右為細末研勻每服半錢病重者服一錢用新汲井
花水調下一服見効如病重無脈者喫下藥約一頓
飯時吐了藥便醫不得吐不了藥即活

立馬回疔奪命散 治疔瘡及喉痺乳鵝腫痛大効

牡蠣 當歸 牛蒡子 白殭蠶

各半兩

大黃

一兩

右咬咀每服半兩用青石磨刀水酒各一盞煎去滓
連進二服疔瘡服後出汗者生無汗者死

御史散 治疔瘡

生鐵銹三

錢

為末木香磨酒調下分病上下食前

食後服之得微汗而愈

愚按此方乃秘法也未常試用常治疔瘡有赤絲攻
心腹者用鐵銹三錢牡蠣二錢青鹽一錢為末挑破
瘡頭以燈盞內油調搽其絲自回名喚回丹但未用
服考之本草云鐵銹生鐵上衣也治惡瘡疥癬蜘蛛
等咬蒜磨敷之亦未云服家藏方用猫兒眼草一擔
細切以水擔餘浸二日煮百餘沸去渣取汁煎至三

四碗用生鐵銹細研末三兩徐徐入汁內以鐵杖不住手攪再煎至二碗許成膏子治一切癰疽瘡毒甚效療癰潰後塗瘡內尤效

防風通聖散

見腫瘍

加減通聖散

治疔瘡瘰癧氣紫游風等證

防風 荆芥 連翹 赤芍藥 當歸 川芎

桔梗 黃芩 梔子 甘草 青木香 玄參

牛蒡子 大黃 芒硝 紫金皮 雞屎子

詐死子 谷藤根 芙蓉根 嫩柏根 青黃父

右薄荷生地黃煎服

追疔奪命湯 秘方速效能內消腫

羌活 獨活 青皮 用多防風用多 黃連 赤芍藥

細辛 甘草節 蟬蛻 殭蠶 腳連 即雞爪黃連各等分

加河車 澤蘭 金銀花 有膿加 何首烏

白芷 要利加 青木香 大黃 牽牛 梔子

在脚加 木瓜 各等分

右咬咀每服五錢先將一服加澤蘭少用葉金銀花
各一兩生薑十片同藥搗爛好酒釀之熱服不喫酒
者水煎為妙然後用酒水各一盞半生薑十片煎至
熱服汗出為度病退減後再加大黃二錢煎至熱服
再以利一兩次去餘毒為妙此方以藥味觀之甚若
不切然効速而神驗萬無一失累用累効如有別證
再出宜隨證加減治之速効

若心煩嘔吐加

甘草節一錢豆粉

酸漿水
下

嘔逆惡心

加
乳香輕粉

湯甘
下草

加減追疔奪命湯 治疔瘡及癰疽發背惡瘡焮赤腫痛創人或紫游風赤游風並大効

防風 赤芍藥 連翹 羌活 獨活 細辛

青皮
殭蠶
蟬蛻
青木香
甘草節

金銀花 紫河車 獨腳蓮

右生薑澤蘭生地黃煎服若病勢退減加大黃取利下三五行去大黃

防風當歸湯

治疔瘡發熱大便實者

金銀花

山茨菰

青木香

當歸

赤芍藥

白芷

防風

荊芥

連翹

升麻

羌活

獨活

甘草

大黃

右薄荷生地黃煎服

雄麝湯

解疔毒如神

凡解毒不可無雄黃硃砂

雄黃

硃砂

麝

各另研

乳香

各另研一錢

白芷

茜草

根

真菜豆粉

地丁草

各二錢

牡蠣

殭蠶

牛

茅子

炒

大黃

金銀花

青木香

梔子

荊芥

穗

朴硝

甘草

各一錢

胡桃

二箇去殼膜

右以白芷以後十四味細切用無灰酒一碗浸少時
搗細又加水一碗同煎至一碗去渣及濁脚入前雄

黃等五味調勻作一服更審患處經絡分野依東垣

引經瀉火藥加之尤妙欲利倍加大黃朴硝二味臨

後下 茜草即過山龍地丁即大薊也

一云剪刀草
開黃花者名

黃花地丁開紫花
者名紫花地丁

解毒消瘴散 治疔瘡瘴氣發熱者

柴胡 黃芩 黃檗 梔子 木通 赤芍藥

當歸 防風 連翹 大黃 甘草 青木香

紫金皮 雞屎子 詐死子 青黃父 嫩柏根

苦花子

右薄荷生地黃煎服

劫瘴消毒散 治瘴氣腫痛發熱者及因剝割瘴死牛

馬猪羊而中其毒者或因食瘴死之肉而中其毒者

先服加減通聖散通利大便次服此藥

百丈光

即天瓢又名土人參

苦花子

金腦香

即社茶根梗葉俱可用

大小青

紫金藤

生藍葉

水藍根

烏苞根

嫩柏根

青黃叉

山烏豆

雞屎子

晚祥西

狸咬柴

土木香

臭木待

根

右薄荷煎服

腫勢甚加水金鳳水苦薺

手足拘

攣加鈞鈞藤根梭婆子根

發熱加吉面消毛蕨根

小便不通加木通梔子

青黃消毒散 治疔瘡瘴氣服涼藥過劑沉而不發不

退者

雄黃

研

大小青

各一兩

八角茴香

錢五

右末陳酒調服又以醋和米泔塗患處一日服三次

四神丹 治因剝割瘡死牛馬猪羊不避其氣以中其

毒或因食瘡死牛馬猪羊之肉者或手足各處發疔

毒或起紫泡或起堆核初則創人次漸腫大疼痛不

可忍醫悶發熱口渴心煩四肢強痛頭目昏花一切

瘴毒並皆治之先服此藥次服劫瘴消毒散

苦花子

又名毛連子又名小葉金雞古梗葉俱用

土木香

根名青木香梗名天仙藤

花名馬兜鈴

仙人薯

用根新鮮生者為妙乾者次之各二兩

晚蠶砂

一兩

右切碎搗水和煮粽汁冷服熱極加芭蕉心小便不利加琉璃草又名耳環尻搗和前藥服之

七神散 治因剝割瘴死牛馬猪羊以中其毒者或因食瘴死牛馬猪羊之肉而中其毒者或因蛇傷之毒者

苦花子 紫金藤 金腦香 大小青 仙人薯

土木香

百丈光

即土人參

右薄荷煎去渣上碗調雄黃末服

萬全散 治瘴氣時毒疔瘡蛇犬咬等證

嫩柏根 水藍根 狸咬柴 烏芭根 青黃父

生藍葉 溪楓根 穿山蜈蚣

右薄荷煎服及調雄黃末服或合七神散更妙

七聖紫金錠 治疔瘡瘴氣時毒等證

土木香 苦花子 仙人薯 晚蠶砂 柏花各一

錢 硃砂 雄黃 各三錢

右末秫米糊為丸以毛屎梯根磨水化下

硃墨丸 治疔瘡瘴毒

硃砂 京墨 各等分

右末以蟾酥汁為丸如梧桐子大每服二丸以蔥白煎湯吞下日服一二次

祛瘴散 治疔瘡瘴毒蛇傷熱腹痛熱喉風並効驗如

神

苦花子

又名苦
花椒

右搗水服夏月冷服冬月溫服

天馬奪命丹 治疔瘡蛇傷犬咬鼠咬

青木香

土者根梗
俱可用

右末每服一錢蜜水調下凡治瘴氣蛇傷不可缺此

藥也

又方

土青木香

根梗葉同
用生者佳

右搗水服夏月冷服冬月溫服

萬病解毒丸

治疔瘡癰疽發背腫瘍時毒狐狸毒鼠

莽毒丹毒驚毒瘡毒風毒熱毒蠱毒河豚疫死牛馬

猪羊毒蛇犬蜈蚣蜂蠍百蟲螫咬毒湯火所傷中惡

邪氣無名腫毒孤毒砒毒藥毒瘡毒光粉毒輕粉毒

一切邪熱之毒悉皆治之

麝香

二錢

硃砂

五錢

山豆根

雄黃

續隨子

取仁

紫河

車獨脚蓮

各一兩

紅牙大戟

一兩五錢

山茨菰

二兩

五倍子

三兩

右末秫米糊和勻杵搗一千餘下印作錠子隨意大小每服一錠井水磨化冬月用薄荷湯磨服日可進二三服

刷瘡散 治疔瘡瘡毒服藥後可用此藥刷塗

生藍葉 地薄荷 紫金藤

右糯米泔水暖刷患處次加蠶砂凌霄花雞胆花二

花如無以葉代之

搽瘡散 治疔瘡瘡毒潰爛成瘡

柏樹皮

去外面皮

側柏葉

各等分

右細末以柏油先刷次搽之

洗瘡方

柏葉 朴葉 柳枝 連叉葉

右煎水淋洗之

羅氏托裏散 治一切發背疔瘡

黃芪

一兩半

厚朴

川芎

防風

桔梗

各二兩

白芷

一兩

連翹

二兩二錢

芍藥

官桂

甘草節

人參

各兩

木香

沒藥

乳香

當歸

各半兩

右為細末每服三錢酒一大碗煎二三沸和渣溫服
治十三種疔皆以此法治之

以緋帛一片裹藥取匝為限先用亂髮雞子大攤布
帛上牛黃如桐子大又以棘刺針二十一枚赤小豆
七粒為末並布髮上捲緋帛作團外以髮作繩十字

縛之置熨斗中急火燒灰研細以枸杞或子或根皮
枝葉隨得為末用枸杞末二匕緋帛灰一匕共成三
匕研勻分二服空心溫酒調下

連翹黃芪湯 治疔瘡因食瘴死牛羊足生大疔如釘
入肉痛不可忍者

金銀花 黃芪 當歸 連翹 甘草 蜈蚣

一條

去頭足
酒炙

右生薑煎服

治疗瘡陰證脈沉四肢冷瘡不發

右用五香散去大黃加蒼耳蓮肉酸棗仁藿香茯苓

黃芪肉桂當歸防風白芷附子生薑半水半酒煎服

以發藥性 如潮熱皮膚受毒加生大黃此胡地骨

皮 如嘔逆脾胃受毒加丁香 如喘嗽肺經受毒

加杏仁去皮尖知母秦艽紫苑 如眼花心經受毒加

硃砂雄黃麝香 如脚冷腎經受毒加木瓜牽牛並鹽

炒 如發渴自汗肝經受毒加黃芩山梔 如大小

便秘腹脹滿加枳殼炒木通苦葶藶大黃生用

治疔瘡陽證潮熱心間霍亂或譫語六脈洪大

右用五香散熱不退而渴用不二散蛇牀子大黃生
為末以冷酒或冷水調二錢止二服使微利

羅氏保生錠子 治疔瘡背疽癰瘰一切惡瘡

金脚信 輕粉各二錢雄黃 硃砂各三錢麝香一錢

蟾酥一錢巴豆四十九粒另研文武火炮生用尤妙

右為細末用黃蠟五錢鎔開將藥和成錠子冷水浸

少時取出旋丸捏作餅子如龍眼大將瘡頭撥開每用一餅次用神聖膏後用托裏散若瘡氣入腹危者

服破棺丹

世傳疔瘡必有一條紅線可針紅線所至之處出毒血然後敷藥

滴滴金 治疔瘡

礪砂

輕粉

人言

雄黃

硃砂

各一錢

麝香

許少

右為細末每用些少先以針刺開瘡頭貼藥黃水出

効

疔瘡錠子

礪砂錢一

白芷

雄黃 蒼耳子

甘草

各半

右為細末用蟾酥汁和作錠子如前法用須五月五

日合

回疔錠子 治疔瘡大効

草烏豆

一兩蟾酥粒七

巴豆

七箇去皮

麝香

一字

右為細末麵糊和就捻作錠子如有惡瘡透疔不痛

無血者用針深刺至痛處有血出以此錠子紐之上

用膏藥貼之疔瘡四畔紐之其疔三二日自然拔出

此藥最宜緊用此證大抵與傷寒頗類其中亦有可針鎌砭射出血者亦有久而敗爛出膿者其間變異百端不可不慎也

神聖膏藥

羅氏

治一切惡瘡

當歸

藁本

各半兩

沒藥

乳香

各二錢

白芨

琥珀

各二錢半

黃丹

黃蠟

各二兩

白膠香

三兩

巴豆

十五粒去油

木鼈子

五十箇去皮

粉霜

膽礬

各一錢

清油

槐柳枝

各一百二十枝

右件一處先將槐柳枝下在油內熬焦取出復下餘藥熬勿至焦瀝出却將油澄清下黃丹再熬成膏用緋帛攤之立有神効

保命集治疔瘡奪命散

烏頭尖 附子底 蠍稍 雌黃 雄黃

各一錢

蜈蚣兩一 礞砂 粉霜 輕粉各五分 砒二錢半 腦子

麝香

各少許

右為細末先破瘡出惡血以草杖頭用紙帶藥末插

入於內以深為度

郭氏寸金錠子 治疔毒惡瘡

硃砂

三錢

黃丹

明礬

枯

砒霜

輕粉

花鹼

白芨

各一錢半

蟾酥

腦子

麝香

各少許

右研極細末稠糊和為錠子用之

郭氏提疔錠子

又名透肉錠子

治疔瘡危篤發昏兼治癰瘰

雄黃

硃砂

各二錢

青鹽

砒霜

生

白丁香

蟹螯

去翅

輕粉

各一錢五分

蟾酥

麝香

各一錢

黃蠟

草麻

子 三七粒

右為細末於銀器內或磁器先將蠟鎔開和前藥丸如桐子大捻作餅子用針刺破疔瘡放一餅子於瘡頭上又刺四邊五七下惡血出為妙却用軟膏藥貼之立驗內服首功玄黑散或蟾酥丸

郭氏守効散 點疔瘡惡肉

砒霜 生 白丁香 松香 輕粉 川烏 生礬 各二

錢蜈蚣 一條焙乾

右為細末鉗針刺破瘡口令血出唾津調藥貼之瘡
上其根自潰

麝香蟾酥丸

治一切癰疽發背疔瘡內毒如未破用

針刺破撚藥在內膏藥貼之其瘡即潰

蟾酥

輕粉

乳香

各五分

人言

雄黃

各一錢

巴豆

十箇去皮油

麝香

少許

寒水石

三錢

右為細末滴水為丸作錠子如小麥粒大量瘡大小

用之寒食麵糊為丸

追毒丹 取黃去疔頭追膿毒立効

蟾酥

乾用
酒化

礪砂

白丁香

無此味
加巴豆

輕粉

錢各一

雄黃

硃砂

為衣各
二錢

蜈蚣

酒浸炙
乾黃

巴豆

七粒去殼
不去油

右總為細末麵調水為丸如丸不就用酒打麵糊為丸如麥大兩頭尖入於針破口內用水沉膏貼之後用膏藥及生肌藥追出膿血毒物又如有黑陷漏瘡者四圍死敗肉不去不生肌者不可治也亦用此藥追毒去死肌敗肉生新肉愈矣小者用一粒大者加

用之病輕者不必用針只以手指甲爬動於瘡頂上
安此藥水沉膏貼之其瘡即時紅腫為度去其敗肉
為妙

水沉膏

將白芨末放在盞內用水沉下去用紙貼之如用膏
不可用生肌藥凡用拈點之藥用此膏圍貼則不傷
好肉

海馬拔毒散 治疔瘡大効兼治惡瘡發背

海馬

二箇炙

穿山甲

黃土炒去土

硃砂

水銀

各一錢

麝香

片腦

各少許

雄黃

三分

右末針破瘡口點藥入內一日一點大有功

芫花根膏

治魚臍疔瘡久治不瘥者

芫花根

一兩

黑豆

三合

猪牙皂角

五挺

白礬

三兩

研細

煨

右用醋一斗將前三味先浸三日於釜中以火煎至

二升去渣却入鐺中煎至一升入白礬末攪令勻去

火成膏但是魚臍丹惡瘡攤於帛上貼日二易之

治魚臍疔瘡

韭菜 連鬚葱 絲瓜葉

右入石鉢內搗爛如泥以酒和服以滓貼腋下如病
在左手貼左腋下右手貼右腋下在左脚貼左胯右
脚貼右胯如在中貼心臍並用布帛縛住候肉下紅
絲處皆白則可如有潮熱亦用此法却用人抱住恐
其顛倒倒則難救

四聖旋疔散 治疔瘡生於四肢其勢微者先以好醋

調藥塗上以紙封之次服內托裏之藥其疔自旋出根

巴豆仁

五分

白殭蠶

輕粉

硃砂

各二錢半

右為細末醋調用之

拔毒散 治疔瘡

蜈蚣

一條

鹽白霜

粉霜

膽礬

硃砂

各一錢另研

右為末和勻先用羊角骨針挑破頭點藥在上醋糊

紙貼上其根一時自出

保生餅子 治諸疔等證

金脚信

錢二雄黃

硃砂

錢各三

輕粉

麝香

錢各一

巴豆

熱四十粒泡
去殼研

右為末和勻用黃蠟一兩餅和藥成錠水浸少時取出用時始捻作餅如錢眼大以羊角骨針挑瘡頭按藥在上以醋糊紙貼之膏藥亦可黃水出為効

濟生金砂散

取疔瘡

道人頭

微炒存性一兩即蒼耳子

硃砂

錢半三錢

雄黃

錢三

蟾酥

以多為妙

右將瘡四圍刺破以少油調藥末置於瘡內緋帛封之數日疔自出如瘡入腹嘔逆者將蒼耳搗汁飲之

一方但用礪砂雄黃等分研細用蜜調先破瘡頭去血入藥豆大在瘡口內紙花貼之亦効

丹日本三藏傳疔瘡方江子肉十粒半夏一大顆研末

附子半枚蜣螂一枚各為末四味臭麝香也相和看瘡

大小以紙繩子圍瘡口以藥泥上又用絹帛貼傳時換新藥以可為度此方活人甚多

鐵罐膏 治一切惡瘡內毒此藥止痛追死肉

桑柴灰

蕎麥稽灰

石灰

各一碗

炭灰

少許

右用瓦罐一箇底傍鑽穴一箇塞住將前項灰填在
內用水注滿厚紙封固一伏時用蘆筒插在罐孔內
淋之盡其水不用灰罐將淋灰水於鍋內慢火熬用
鐵片續續攪休教燂定鍋稀稠滴在水內不散為度
用鐵罐子盛之封了口或有諸般瘡及腸風痔漏量
瘡用之妙

濟蟾酥丹治疔瘡取蟾酥以白麵黃丹搜作劑丸如麥

粒狀破患處以一粒納之

取蟾酥法用癩蛇破眉稜上以手捻出酥於油紙或

桑葉上用竹篦刮下然後
插在背陰處自乾用之

又方用鍼刀鏟破疔頭以蟾酥傳之後用

野菊花

莎草根

甜菜葉

搗細以無灰酒盡

量調服之酒醒疔化水即痛定如熱除不必去疔

亦自愈也

鐵粉散

專治冷疔瘡經久不効

多年生鐵

三錢炒過

松脂一錢

黃丹

輕粉

各五分

麝香許少

右為細末用清油調搽瘡口立効

又方 治疔瘡

山茨菰 鍋鏽 生薑 江茶 鹽少許 用銀針

撥開疔瘡即以前藥搭作餅子如大棋子放疔頭上甚者半月皮皺可醫不皺難治矣

雄黃散 治疔瘡

雄黃 硃砂 蒼耳草

燒灰

右為末醋調數次將菊花搗爛薑汁調清者服之濃

者傳之

追毒丸 治疔瘡發背

蝦蟇糞

分二 麻蟲

雄黃

黃丹

各一錢

右為末水丸如米大將瘡撥開頭入藥在內以膏藥貼之

三因蒼耳散 治一切疔腫神効用蒼耳草根莖苗子但取一色便可燒灰存性研細用好米醋米泔藍靛和如泥隨瘡大小塗上厚二分乾即易之不過十

度即拔根出須針破塗之

更加雄黃尤妙

治一切疔腫懸癰

右用蒼耳根莖苗但取一束燒為灰醋泔藍靛和如泥先以針刺瘡上及四邊數下令血出度藥氣可以入針孔中即去血傳藥乾即易之不過數度即拔根出其未結膿者即內消也已結膿破潰者再不用針刺只以藥塗之余以思口角上生疔腫造甘子振家甘為貼藥經十日不瘥予以此藥塗之得愈常作此

藥以救人無有不瘥者故特以傳後嗣疔腫方殆有
千首皆不及此雖齊州紫姥方亦不能勝此物造次
易得也

治一切疔腫

右用蒼耳草又名羊負來草只用根紅嫩者搗爛無
灰白酒調勻服次用鹽梅肉研爛以猪膽汁和塗瘡
頂上其毒即散又先用好京墨以薑汁研爛用薑片
蘸墨塗四圍腫熱處即効一方用蒼耳根葉童便絞

取汁令服一升日三或燒灰和臘月猪脂傳一方用
苗葉搗汁飲之一方用子或葉或根研爛以米醋脚
調塗腫處立散仍研汁服以瘥為度

治疔瘡

右於九月九日採芙蓉花葉陰乾研細用時以井花
水調銀釵打成膏厚紙攤貼瘡上次日用螞蟻螺即
鬼丁螺一箇用銀器盛打破依前調藥却將螞蟻螺
放在瘡上貼待過週日揭起其疔自出立効其藥不

要攤潤

治疔瘡

右用多年牆內或土中繡釘洗淨以炭火內煨紅醋
淬待冷用刀刮釘銹又入火內煨紅入醋淬仍前刮
末再煨再淬再刮下末研為細末用時將瘡口撥開
挑藥末在內以膏藥貼之少時如病深取疔如病淺
即取出黑紫色血其瘡自愈

拔疔法

以黑牯牛牽於石塔上必撒糞候糞上生菌取焙乾
與菰蔞草葉等分為細末先用竹筒兩頭去節一頭
解十字路將不解頭套在疔上以線緊縛竹筒陷入
肉內為度以前藥末一匙滴水和之放於筒內少時
藥滾起則疔自拔起若一次未効漸加度數其疔必
拔也

拔疔方 治疔瘡不出者用此藥以拔出之

巴豆

半粒
去殼

磁石

右為末用葱涎同蜜為膏以傅瘡上疔瘡自出

神授療疔腫方

以緊磁石為末用酸醋調封於患處少時力拔出疔
神妙

世治疔瘡用麻內蛀蟲一條研傅瘡上却用膏藥貼之
一飯時去膏藥其疔自出

麻蟲膏 治疔瘡

右將麻蟲一條搗爛入好江茶和作餅子如錢眼大

以羊角骨針挑瘡頭按藥在上醋糊紙貼之膏藥亦可其毒出為効

蜣螂膏 治疔毒

蜣螂

三箇肚白者佳

黃蔴蟲

十箇

右二味搗勻撥破患處貼之如患在手足間有紅絲上臂絲盡處將針挑斷出血仍用前藥

愚按此方常用有効如無蔴蟲亦効毒盛者更服敗毒藥蜣螂即屎蚋也

聖濟方 治疗瘡

蜣螂

心腹下肉
稍白者

右捕取不以多少貼瘡上半日許未可再上之血盡
根出神効

治疗瘡最有功効用蟬蛻僵蠶為末酸醋調塗四圍留
瘡口候根出稍長然後拔去再用藥塗瘡海藏方用
僵蠶為末津調塗亦佳

又方 治疗瘡

螻蛄為末傅頭上四邊針刺碎紅腫上用鐵銹水紫
花地丁草末圍四邊腫上即紫花鹿蹄草紅腫外好
肉上用生薑自然汁調船灰末傅好肉上

又方 治疔腫

先以針撥破四畔中間用海螵蛸末水丸豆大傅於
瘡頭上再用箭頭草末傅四畔紅肉上外又用舊船
灰燒末同生薑自然汁調傅後再用濕絲綿貼中間
用手揭去疔蓋再將螻蛄末水調傅之

又方 治疗瘡

大黃一大塊及東壁土汲新井水入於砂碗內磨濃厚塗腫上中心留一竅如錢眼大出熱氣經宿立愈如乾再用水潤之

又方 治疗瘡

雄黃一錢就瓦上煨焦黃為末以病人尿調傅疔上一時拔出如發熱欲死者將大黃菊花研汁灌上若冬間取根搗汁亦可

玉山韓光方 治疔腫

右以艾蒿一擔燒作灰於竹筒中淋取汁以一二合和石灰如麵漿以針刺瘡中至痛即點之點三次其根自拔亦大神効貞觀中用治三十餘人得瘥

衍苦苣擣汁傳疔瘡殊驗青苗陰乾以備冬月為末水

調傳

本草云取苦苣莖中白汁傳疔腫出根又取汁滴癰上立潰

疔瘡用白薺為末水調傳之

聖惠方

聖治疔瘡甚者用附子末醋和塗之乾再塗

千金方同

丹琥珀膏

方見癰疽
下雜方條

水沉膏

治疔瘡

白果根

新鮮生
者佳

右以米醋磨濃澄脚以油紙攤貼及用酒磨服

敷疔膏 治疔瘡及無名腫毒瘴氣等證

生藍葉

不拘多
少洗淨

右以搗爛敷患處以梗煎酒服

又方

毛屎梯葉

右生採新鮮者搗米泔水暖刷及以根磨米泔水暖服

又方治一切惡瘡毒肉不出

用烏梅一味燒灰為末傅上惡肉立盡矣

灸疔瘡法 取掌後橫紋後五指男左女右七壯即瘥
屢効

初虞世云疔瘡於所屬經絡各瀉之 疔瘡者必發於

手足之間生黃疱其中或紫黑色有一條如紅線直上倉卒之際急宜以針於紅線所至處刺出毒血然後以蟾酥乳香膏等藥於正瘡上塗之針時以病者知痛出血為好否則紅線入腹攻心必致危困矣

百一治疔腫以針刺四畔用石榴皮末著瘡上調麵圍四畔灸痛為度調末傳上急裏經宿連根自出

松針法 取向北松枝上葉極硬者頓齊作一束札令極緊緩緩以意消詳毒氣所經行虛軟處針之須令

出血時先用酒潤下針處必小痛令病人稍忍仍用雄黃末入麝香少許以溫酒調下一二服與之服後方下松針針之

治疔瘡毒氣入腹多嘔吐欲死者即服內托香粉散滴乳半兩另研真菜豆粉一兩為細末煎生甘草湯調三錢時時飲之常令灌潤胸膈

一方用雄黃菜豆粉乳香等分為末水調服

百二散

又名護心散

治發疔瘡煩躁手足不住發狂者急宜

服之

甘草節 萊豆粉 硃砂

各等分

右為細末每服三錢熱水調下

疔瘡入腹嘔者煎道人頭濃汁飲之

治疔瘡毒氣入腹昏悶不食

紫花地丁 蟬蛻 貫仲 丁香 乳香

各一兩 各二錢

右為細末每服二錢空心溫酒下

紫花地丁 麥熱時有之 開紫花質甚

脫如蒲公英狀但蒲公英開黃花地丁開紫花

瑞治疔瘡危篤者二服即愈輕者一服立効

土蜂房

一小窠全本草云土蜂房有毒利大小便蛇蛻一條

右作一處器皿中盛用黃泥封固火煨存性研為細末每服一錢空心好酒調服少頃腹中大痛痛止其瘡已化黃水矣仍服五聖散

大黃

甘草

各一兩

生薑

皂角針

金銀花

各二兩

枯蘘

一箇

右咬咀用好酒二升同煎至八分去渣不拘時服

治疔瘡最驗用蒼耳臭牡丹各一大握搗爛新汲水或
順流水調服一碗瀉下黑水即愈

拔黃藥

用蟾酥飛羅麵為丸如梧桐子大可將一九放在面
前舌下即時黃出

破棺丹 治疔毒走黃不止

當歸 赤芍藥 山梔子 牽牛

各二兩半 連翹

牡蠣 金銀花 紫花地丁

各一兩半

京三稜

甘草

各二便秘加大黃三兩

右為細末煉蜜和丸如彈子大每服一九食前服童便化開服忌飲酒及生冷硬物

立馬回疔丹 治疗瘡走黃不止

金脚信 蟾酥 血竭 硃砂 沒藥各半錢 輕粉

龍腦 麝香各一字

右為細末用生草烏頭汁和作錠如麥子大用時將瘡頂刺破將藥一錠放瘡口內第二日瘡腫是効

治疗走了黄打掇將死者

牡蠣 大黃 山梔子 金銀花 木通 連翹

牛蒡子 地骨皮 乳香 沒藥 皂角刺

枯薑

右各等分剉碎每服半兩氣壯者加朴硝用水一碗
酒半碗煎一服定愈

蟾酥走黃丸 治疗瘡走黃

硃砂 研 黃丹 飛 白麵 各等分

右末取蟾酥搜作劑丸如麥粒大先刺瘡口次安一粒在瘡口內仍以水沉膏貼之又以五七九葱湯吞下發汗即愈

迴瘡蟾酥錠子

治疔瘡毒氣攻心欲死以針刺其瘡

向心行處但覺痛有血處下錠子若累刺至心側近皆不痛無血者急針百會穴痛有血者下錠子若無血以親人熱血代之猶活三四況瘡初發無有不効大抵疔瘡生於四肢及胸背頭項骨節間唯胸背頭

項最急初生痛痒不常中陷如釘蓋撼之有根壯熱惡心是也

天南星 款冬花 巴豆仁 黃丹 白信各一錢

獨活五分 蟹螯去頭足十箇

右為極細末用新蟾酥和藥如黍米大撚作錠子每遇疔瘡先以針刺其瘡必不知痛有血出者下錠子如覺痛不須再用若更不知痛再隨瘡所行處迎奪刺之至有血知痛即止其原瘡亦覺疼痛以膏藥貼

之膿出自瘡用錠子法度以銀作細筒子一箇約長
三寸許隨針下至瘡痛處復以細銀絲子內藥於筒
內推至痛處

肘後犯疔腫垂死菊花葉一握搗絞汁一升入口即活

此神驗亦用其根

丹溪云根莖葉花
皆可紫梗者佳

疔腫困重生搗蒼耳根葉和小兒尿絞汁冷服一升日

三服甚驗

化毒丸 治內疔

硃砂

雄黃

各一錢

蟬蛻

十枚

礪砂

生

輕粉

各五分


麝香

一片

腦半

右末取蟾酥為丸如菉豆大每用一丸放舌上含化
取涎化後以井水漱淨無此丸用單蟾酥代之亦可
霹靂火 治內疔之證發汗之妙方也凡疔瘡始覺不
曾服出汗之藥過數日間外證皆罷或在胸腹或在
脇肋赤焮腫起此乃毒氣入裏內疔之所發也宜用
此法出汗毒氣方能出也

先置水桶一箇鐵銚一箇令病人側卧於桶上四圍以衣衾蓋護勿令泄氣却以鵝卵石火燒極紅放銚內以銚安桶內以醋投於銚內淬之熏蒸出汗未透再加火力再淬之須令腫處汗透不必徧身出汗也



證治準繩卷一百六

欽定四庫全書

子部

證治準繩卷二百七

詳校官太醫院醫官臣姜晟

編修臣倉聖脈覆勘

總校官進士臣朱鈐

校對官典簿臣郭祚燾

謄錄監生臣饒文洲

欽定四庫全書

證治準繩卷一百七

明 王肯堂 撰

外科

癰疽門

癰疽部分

靈樞五臟身有五部 伏兔一

腓二

腓者腓也
即足肚

背

三五臟俞四 項五 此五部有癰疽者死

王海藏云 腦鬚鬚頤 亦為癰疽必死之處

鬼遺方不可患癰疽者七處 眼後虛處 頤接骨處

陰根上毛間胯與尻骨接處 耳門前後車骨接處

諸因小腹風水所成癰疽 領骨下近耳後虛處

鼻骨中 並能害人但以諸法療之或有得瘥唯眼後

虛處最險

背上九處不可病癰 第一入髮際為玉枕亦為舌本

第二頸項節 第三椎為崇骨 第四大椎為五藏

第五脊骨兩邊肺俞穴 第六夾脊兩邊脾俞及肝

俞 第七脊骨兩邊腎俞二穴 第八後心鳩尾 第

九鳩尾骨穴

正面五處不可患癰 第一喉骨為垂膺 第二當胸

為神舍 第三心鳩尾 第四當兩乳穴 第五臍下

一寸三分之間

側面三處不可患癰 耳下近耳後牙車尖中央陷中為

喉脉一穴 當膊下一穴為肩骨 承山上三寸一穴

喘腸

上焦發癰為陽是壅塞實候宜解利溫涼湯藥去其積
熱上攻外即貼消腫通逼毒藥如已結定即發穴藥候
穴破出其膿毒腫平方貼生肉等藥然後斂合瘡口亦
慮外傷風水勿食發風熱醬麵毒物等忌房事

中焦發癰至腰上一節前後心不定所在皆是澁滯候
亦垂虛而作不拘大小前起心鳩尾者最要緊近兩腋

是虛處兩脇肋下至臍上及臍下兩傍一二寸發癰填
氣伏硬難潰膿為此等處偏難發穴穴後難合瘡口並
須先用煖內藥服後用熱藥貼令軟如慢慢破穴不得
急破急破即朝夕出膿不住緩慢破穴即一頓出膿易
為將息後心者唯有十一推脾俞下十四椎上為腎俞
腎俞下為腰俞兩處起癰者防毒氣內攻為此處皆是
至虛處凡有癰起先須補內氣令實方可放破內氣實
則不內攻且易得潰唯腰腿兩處多成漏疾預防節慾

則先矣

下焦發為流注虛損候前陰股兩處起如雞卵大長橫
摺內初起腫核結塊後四畔浮腫相併伏硬色青黑先
用和平藥內服三五日後用發軟散及罨藥罨令軟即
穴穴後其瘡口即隨摺子內作長瘡瘡口破宜急用抽
毒膏出膿膿盡便貼合瘡口藥為此處無肉可壞更不
須長肉也

右靈樞鬼遺諸書所言部分甚悉今已散采入各條

矣其經絡所屬及引經之藥已見首卷分經絡篇其
初中後內消外治之法及表裏虛實之別則當於腫
瘍潰瘍門求之今世專科方士所說以為秘傳之書
圖寫形像分別名目以立治法者多不足憑此中亦
有蒐采者如或問之類姑以廣聞見耳不必泥也

頭部一

百會疽

或問百會穴生疽何如曰此名玉頂發初如麥米頓增

痛楚寒熱大作由虛陽浮泛宜以鹽湯下八味丸引火
歸源甚則黑錫丹或元氣素薄六陽經受風邪風火相
扇臟腑熱毒上攻而然者宜黃連消毒飲兼玉樞丹勝
金丹更以附子切片置湧泉穴灸五壯以泄其毒七日
無膿者死

頂門癰

或問頂門生癰何如曰此屬太陽經風熱所致一名佛
頂疽穴名上星由臟腑陰陽不調熱毒上壅而成宜服

活命飲加芩連梔子藁本清熱之臍及紫金丹烏金散
奪命丹汗之虛者十全大補湯加羌活稍遲潰爛黑陷
惡證多脉大神昏二便閉結者不治

額疽

鬼遺方云左額右額發赤疽不拘大小狀如桃李急宜
藥貼破見膿無害右額角一處發毒疽及惡癰為近太
陽穴如腫滿太陽即成虛損為近穴而難消不可破如
破後傷外風水即能害人亦宜用藥潰膿後速飲合瘡

口如經冬月即成冷瘡緣此處近太陽穴上至額角都為陰處宜或問當額生疽何如曰此屬陽明胃積熱宜服活命飲加升麻桔梗羌活水酒煎服壯實者一粒金丹下之老弱者十全六補湯或十宣散黃芪內托散托之過時潰爛腦髓出者死

太陽疽

鬼遺云左右太陽穴或發疽癰及癰五七日不潰毒氣流入眼眶攻眼眼合不開用藥貼破破後慎外風水所

入即損其睛症損眼臉而成大疾 或問兩太陽生疽
何如曰此名勇疽亦名腦發疽屬足陽明胃經狀如伏
鼠寒熱併作面目浮腫宜活命飲加升麻桔梗烏金散
十一日刺得黃白膿者生清稀黑血者及潰爛透腦者
死

鬚疽

鬚疽屬手少陽三焦相火是經少血多氣尤忌見膿若
妄加針灸必至不起余見之屢矣 薛新甫以為屬肝

膽二經怒火或風熱血虛所致若發熱作渴者用柴胡
清肝散腫突痛甚者用仙方活命飲若大勢已退餘毒
未散用參芪歸朮為主佐以川芎白芷金銀花以速其
膿膿成仍用參芪之類托而潰之若欲其生肌收斂脾
虛者六味丸血虛者四物加參芪或血燥或水不能生
木者用四物湯六味地黄丸氣虛者用補中益氣湯皆
當滋其化源為善

一老腫痛發熱膿清作渴脉軟而濇此氣血俱虛也欲

補之彼見作渴發熱乃服降火之劑果作嘔少食復求

治投六君子湯四劑嘔止食進仍用補藥月餘而愈

以上

補

一人患此焮痛作腫發熱以小柴胡湯加連翹金

銀花天花粉四劑而消 一人因怒後鬚際腫痛發熱

以小柴胡湯加連翹金銀花天花粉四劑根畔俱消惟

瘡口作痛以仙方活命飲二劑痛止膿熟針之更以托

裏消毒藥而愈 一人腫痛寒熱拘急脉浮數以荆防

敗毒散二劑表證悉退更以托裏消毒散潰之而安

一人焮腫痛甚發寒熱服十宣散愈熾診之脉數而實
此表裏俱有邪也以荆防敗毒散加芩連大黃二劑少
愈更以荆防敗毒散四劑而消 俞黃門年踰三十冬
患鬢毒腫焮煩躁便秘脉實此膽經風熱壅上也馬氏
曰瘡瘍熱實不利者大黃湯下之一劑便通瘡退更以
荆防敗毒散二劑十宣散去桂加天花粉金銀花數劑
而愈 一人頭面焮腫作痛時仲冬脉弦緊以托裏溫
經湯汗之而消 趙宜人年踰七十鬢疽已潰焮腫痛

甚喜冷脉實便秘東垣云煩躁飲冷身熱脉大精神昏悶者臟腑實也以清涼飲二劑腫痛悉退更以托裏藥二十餘劑而平

注前疽雖出少陽血少之分然證與脉皆屬於實故年壯者用瀉劑之重年老者用瀉劑之輕若拘以年老或守其經禁而投補劑實實之禍難免矣

以上
瀉例

侍御朱南阜患前證腫痛發熱日晡尤甚此肝膽二經血虛火燥也用四物湯加玄參柴胡桔梗炙草治之而

愈又因勞役發熱畏寒作渴自汗用補中益氣湯去柴
胡升麻加五味麥門炮薑而痊 州守胡廷器年七十

患前證腫煖作痛頭目俱脹此腎水不足肝膽火盛而
血燥也用六味丸料四劑瘡頭出水而愈後因調養失
宜仍腫痛煩熱喘渴脉洪大而虛此脾胃之氣傷也用
補中益氣以補脾胃用六味地黃丸以補腎肝而痊

以上

補例

柴胡清肝散

治鬚疽及肝膽三焦風熱怒火之證或

項胸作痛或瘡毒發熱

柴胡

山梔

炒各壹錢伍分

黃芩

炒

川芎

人參

各壹錢

連翹

桔梗

各捌分

甘草

伍分

右水煎服

髮際瘡

鬼遺云左右髮際起如粟米頭白肉赤熱痛如錐刺此疾婦人患多丈夫患少始因風濕上攻髮際亦宜出膿無傷或問髮際生瘡何如曰此名髮際瘡也狀如芡

實漫腫寒熱或痛或痒者髮際疽也此由風熱上壅所致宜服防風通聖散紫金丹奪命丹汗之

癰頭瘡

丹防風通聖散為末酒浸焙乾凡三次食後白湯調服日三服至頭有汗効

世濃煎鹽湯洗三五日一洗用一上散傳之久年不愈神効

丹用好紫霄炭燒通紅入水淬之又燒又淬以水熱為

度取所淬之水日日洗之使熱毒宣發而愈外以胡荽

子伏龍肝懸龍尾

屋梁塵也

黃連白礬為末調傳又服酒炒

通聖散效

一方單用黃連末傳之累效

或問頭上生瘡狀如葡萄痛甚久而無膿何如曰名鬘毛瘡治法上同必須詳驗其瘡若中陷而四畔高起色如黃蠟者廣瘡也

松脂膏 治頭瘡經年月不瘥

松脂

黃連

去鬚各
柒錢半

黃芩

苦參

各壹
兩

蛇牀子

貳
錢

半
大黃

白礬

枯各
半兩

水銀

壹兩
半

胡粉

半兩
合水銀
入少水同研

令無星
為度

右為細末研勻用蠟豬脂調傅瘡上大効

貝母膏 治頭禿瘡

貝母 半夏 生 南星 五倍子 白芷 黃檗

苦參

各貳
錢半

號丹

椒壹
錢半

雄黃

壹
錢

右為細末先以蜂房白芷苦參大腹皮荆芥煎湯重

洗拭乾即用密水調傅兩三次後乾搽藥

加味平胃散 治一切惡瘡頭上瘡

右平胃散入膩粉清油調傅之甚妙

螵蛸散 治頭上生瘡俗曰粘瘡

海螵蛸

貳錢

白膠香

輕粉

各半兩

為細末研勻先用清油潤瘡後搽藥只一上可

治頭極痒不痛生瘡方

鵝鴒糞

伍合

右以好醋和膏煮三兩沸日兩三次塗之

腦疽

鬼遺正腦上一處起為腦癰及腦疽腦鑠並在大椎骨上人髮際生腦癰皮起易得破穴急破急出膿不害腦疽皮厚難得破穴須急發內毒使破穴方可 腦鑠一

處初起如橫木掘上起項門下止大椎發腫如火燒其色青黑如靴皮大硬不見膿即損外皮如犬咬去肉之跡難愈 靈樞云陽氣大發消腦溜項名曰腦鑠其色

不樂腦頂痛如刺以針煩心者死不可治

薛腦屬足太陽膀胱經積熱 或濕毒上湧 或陰虛

火熾 或腎水虧損陰精消涸 初起腫赤痛甚煩渴

飲冷脉洪數而有力乃濕熱上湧當用黃連消毒散并

隔蒜灸以除濕熱 漫腫微痛渴不飲冷脉洪數而無

力乃陰虛火熾當用六味丸及補中益氣湯以滋化源

若口舌乾燥小便頻數或淋瀝作痛乃腎水虧損急

用加減八味丸及前湯以固根本引火歸經 若不成

膿不腐潰陽氣虛也四君加歸芪 不生肌不收斂脾
氣虛也十全大補湯 若色黯不潰或潰而不斂乃陰
精消涸名曰腦爍為不治若攻補得宜亦有可愈治者
審焉

元好問記曰予素飲酒於九月中患腦之下項之上出
小瘡後數日腦項麻木腫勢外焮瘍醫遂處五香連翹
湯至八日不下而云不可速療十八日得膿出用藥或
砭刺三月乃可平四月如故予記醫經云凡瘡見膿九

死一生果如醫言則當有束手待斃之悔矣乃請李明之診且謂膏粱之變不當投五香事已無及當先用火攻之策然後用藥以大艾炷如枇杷許者攻之百壯乃始覺痛次為處方云是足太陽膀胱之經其病逆當反治脉中得弦緊按之洪大而數又且有力必當伏其所主而先其所因其始則同其終則異可使破積可使潰堅可使氣和可使必已必先歲氣無伐天和以時言之可收不可汗經與病俱禁下法當結者散之鹹以軟之

然受寒邪而禁鹹諸苦寒為君而用甘寒為佐酒熱為
因用為使以辛溫和氣血大辛以解結為臣三辛三甘
益元氣而和血脉滲淡以導酒濕扶持秋令以益氣瀉
火以入本經之藥和血且為引用既以通經為主用君
以黃芩黃連黃檗生地黃知母酒製入本經羌活獨活
藁本防風已當歸連翹以解結黃芪人參甘草配諸苦
寒者三之一多則滋營氣補土也生甘草瀉腎火補下
焦元氣人參橘皮以補胃蘇木當歸尾去惡血生地黃

補血酒製防已除膀胱留熱澤瀉助秋令去酒之濕熱
凡此諸藥必得桔梗為舟楫乃不下沉投劑之後疽當
不痛不折食進體健予如言服之投牀大斲日出乃寤
以手捫瘡腫減七八至瘡痂都斂十四日而已世醫用
技豈無取効者至於治効之外乃能歷數體中不言之
秘平生所見唯明之一人而已
方名黃連消毒
毒飲見本條 一人素
不慎起居飲食焮赤腫痛尺脉洪數以黃連消毒散一
劑濕熱頓除惟腫硬作痛以仙方活命飲二劑腫痛悉

退但瘡頭不消投十宣去桂加金銀花藁本白朮茯苓
陳皮以托裏排膿彼欲全消自製黃連解毒散二服反
腫硬不作膿始悟仍用十宣散加白朮茯苓陳皮半夏
腫少退仍去桂又四劑而膿成腫勢亦退繼以八珍湯
加黃耆五味子麥門冬月餘膿潰而愈 夫苦寒之藥

雖治陰證尤當分表裏虛實次第時宜豈可始末悉用
之然焮腫赤痛尺脉數按之則濡乃膀胱經濕熱壅盛
也故用黃連消毒散以解毒除濕顧腫硬作痛乃氣血

凝滯不行而作也遂用仙方活命飲以解結消毒破血也其瘡頭不消蓋因熱毒薰蒸氣血凝滯而然也宜用甘溫之劑補益陽氣托裏以腐潰之況此證原屬腎脉經因虛火盛而出若不審其因專用苦寒之藥胃氣已傷何以腐化收斂幾何不致于敗耶凡瘡易消散易腐潰易收斂皆氣血壯盛故也 一人腦疽已十餘日面目腫閉頭焮如斗脉洪數煩躁飲冷此膀胱濕熱所致用黃連消毒飲二劑次飲槐花酒二碗頓退以指按下

腫則復起此膿已成於頸額肩頰各刺一孔膿並湧出口
目始開更以托裏藥加金銀花連翹三十餘劑而愈

一人患腦疽勢劇脉實用黃連消毒散不應以金銀藤
二兩水二鍾煎一鍾入酒半碗服之勢去三四再服漸
退又加黃檗知母瓜蒌當歸甘草節數劑而潰止加黃
芪川芎白芷桔梗數劑而愈 一婦年將七十形實性
急好酒腦疽纔五日脉緊急又瀉急用大黃酒煨細切
酒拌炒為末又酒拌人參炒入薑煎調一錢服過兩時

再與得卧而上半身汗睡覺病已失此亦內托之意

按此

治因性急因好酒兼因其脉而制此方脉緊急且瀯由其性急嗜酒以傷其血而然故用大黃以洩酒熱人參

以養氣血也

杜清碧病腦疽療之不愈丹溪往視之曰何不

服防風通聖散曰已服數劑丹溪曰合以酒製之清碧

乃自悟以為不及一婦腦左腫痛左鼻出膿年餘不

愈時或掉眩如坐舟車許叔微曰肝虛風邪襲之然也

以川芎一兩當歸三錢羌活旋覆花細辛防風蔓荊子

石膏膏本荊芥穗半夏麴乾地黃甘草各半兩每服

一兩一料而愈

按此條認作肝虛風邪襲之而治以去風清熱養血祛痰之劑因其掉眩偏

于左也經曰諸風掉眩皆屬肝木又病偏左乃肝膽所主又曰風從上受之又曰無痰不成眩暈又曰肝藏血

又曰風乃陽邪故方以風熱痰血而主治者理也

一婦患此色赤腫痛脉數

有力與黃連消毒飲二劑少退更與清心蓮子飲四劑

而消 一婦人冬間患此腫痛熱渴余用清熱消毒藥

潰之而愈次年三月其舌腫大遍身發疔如葡萄不計

其數手足尤多乃脾胃受毒也先各刺出黑血隨服奪

命丹染粒出臭汗瘡熱益甚便秘二日與大黃芩連各

叁錢升麻白芷山梔薄荷連翹各貳錢生甘草壹錢水煎三五沸服之大小便出臭甚多下體稍退乃磨入犀角汁再服舌本及齒縫出臭血諸毒乃消更以犀角地黃湯而愈

以上治按皆足太陽經積熱挾風挾濕挾虛者其進退出入可以用黃連消毒散之活法也

黃連消毒飲

黃連

伍分

黃芩

伍分

黃檗

酒洗伍分

人參

伍分

知母

肆分酒炒此以苦寒

引用通羌活壹錢獨活伍分防風伍分藁本伍分連翹壹錢

大辛解本經之結為臣黃芪壹錢甘草炙伍分此以甘溫配諸苦寒者三之一多則溢

榮氣而當歸身壹錢生地黃壹錢酒洗此以辛補土酒洗陳

皮伍分不去甘草稍伍分生此以甘寒瀉腎火之邪補下焦元氣澤瀉

柒分滲淡導酒防已伍分酒洗除濕扶助秋令當歸稍伍分蘇木

伍分去桔梗壹錢使諸藥不下惡血沉為舟楫之用凡所用之藥用酒

洗併入酒煎者用酒熱為因為使

右俱作一服水參蓋煎減壹半去滓入酒少許再煎

食後溫服投劑後不得飲水必再作膿効遲初患三日者服之立効凡瘡皆陰中之陽陽中之陰二證而已東垣疽陽藥七分陰藥三分名曰昇陽益胃散老人宜之亦名復煎散或加沒藥乳香各壹錢

右東垣論膏梁肉食之變治宜苦寒不宜芳香者如解裏條撮要內消升麻湯孫真人單煮大黃湯皆為富貴肉食之輩設也

羌活當歸湯 治腦疽

黃芩

黃連

各酒炒

當歸身

酒浸

炙甘草

各壹兩

羌活

黃蘗

酒浸

連翹

各伍錢

澤瀉

獨活

藁本

各叁錢

防風

梔子仁

各伍分

右咬咀分作四服水一小椀先浸一時許入酒壹匙煎至捌分去渣大溫服食後日二服和渣計六服三日服盡去渣清藥調下後枳榔散

檳榔散

檳榔為細末將羌活當歸湯調下

陳錄判母年七十餘於冬至腦後出疽形可甌面大衆

瘍醫診俟瘡熟以鍼出膿因笞侍妾瘡輒內陷凹一韭
葉許面色青黃不澤四肢逆冷汗出身清時復嘔吐脉
極沉細而遲蓋緣衰老之年嚴寒之時病中苦楚飲食
淡薄已滌肥濃之氣獨存瘦悴之形加之暴怒精神愈
損故有此寒變也病與時同與瘍醫議速製五香湯一
劑加丁香附子各伍錢劑盡復大發隨證調治而愈
內經曰凡治病必察其下謂察時下之宜也諸痛痒瘡
瘍皆屬心火言其常也如瘡盛形羸邪高痛下始熱終

寒此反常也固當察時下之宜而權治故曰經者常也
法者用也醫者意也隨所宜而治之可收十全之功矣

按此條年老冬寒理宜溫補茲用五香湯加丁附以辛
散何也蓋因其怒氣鬱結阻碍陽氣不得營運致疽四
陷且脈極沉細而遲其為氣鬱可知矣故用五香以開
結丁附以助陽則鬱散陽復疽乃大發此亦因其性固
其脈而為治也

錦衣葉夫人患腦疽口乾舌燥內服清熱外
敷寒涼色黯不煖胸中氣噎證屬陽氣虛寒彼疑素有
痰火不受溫補薛以參芪各伍錢薑桂各貳錢一劑頓
然腫潰故用大補藥而愈

一人膿將成微痛兼渴尺脉大而無力此陰虛火動之證彼謂心經熱毒自服清涼降火藥愈熾復求治乃以四物湯加黃蘗知母五味麥門黃芪及加減八味丸渴止瘡潰更以托裏藥兼前丸而愈

一婦人年踰八十腦疽已潰發背繼生頭如粟許脉大無力此膀胱經濕熱所致脉無力血氣衰進托裏消毒藥數服稍可更加參耆雖起而渴此血氣虛甚以參芪各壹兩歸芩各伍錢麥門冬五味各壹錢數服渴止不

潰加肉桂十餘劑膿成針之瘀肉漸腐徐徐取去而膿
清不斂投十全大補湯加白薇貝母遠志三十餘劑膿
稠而愈設不峻補不去腐肉以渴為火投以涼藥寧免
死哉 瘡疽之證雖屬心火當看表裏虛實果元氣充
實內有實火寒劑或可責効若寒涼過火使胃寒脾弱
陽證變陰或結而不潰或潰而不斂陰陽乖戾水火交
爭死無日矣 一人腦疽作痛脉雖洪按之無力予咬
咀加減八味丸與之彼不信自用滋陰等藥七惡併至

而歿精要曰患疽雖云有熱皆因虛而得之愈後作渴
或先渴後疽非加減八味丸不能治 一人患腦疽發
熱口渴醫用苦寒藥膿水益多發熱益甚面目赤色唇
舌燥烈小便淋痛晝夜不寐死在反掌請薛治之乃以
加減八味丸料加參芪歸朮麥冬甘草煎服之熟睡半
日覺來諸證悉退不數劑而瘡愈薛曰病雖愈當固其
本元彼不經意且不守禁次年患中風後患背疽而歿
一老人膿清兼作渴脉軟而濇予以為氣血俱虛用八

珍湯加黃耆五味彼不信乃服降火之劑果反作嘔少
食始信服香砂六君子湯四劑嘔止食進仍投前湯月
餘而愈 一人未潰兼作渴尺脉大而無力以四物湯
加黃檗知母黃耆麥門四劑而渴減又與加減八味丸
渴止瘡潰更用托裏藥兼前丸而愈 一人頭頂俱痛
雖大潰腫痛益甚兼作瀉煩躁不睡飲食少思其勢可
畏診其脉毒尚在與仙方活命飲二劑腫痛退半與二
神丸及六君子湯加五味麥門酸棗仁四劑諸證少退

食頗進睡少得及與參苓白朮散數服飲食頗進與十全大補湯加金銀花白芷桔梗月餘瘡

鬼遺赤色疽發頭額及腦前并手掌中十日不穴者死七日可刺出赤血七日未有膿不可治也

不穴者不作
穴而東攻西

擊也 杼疽發鬢鬚及兩耳不穴十五日死可刺其膿色黑如豆豉或見血者死

面部二

發眉

鬼遺云左右眉稜兩處發為發眉不拘在頭尾宜慮未
穴已前攻擊在眉頭即攻入眼損睛在眉後即攻下太
陽並宜戒慎 或問眉發疽毒何如曰此疽從眉至頭
生瘡黑色漸漸腫漫滿面瘡頭堅硬如石刺之無膿惟
出黃水痛不可忍悶亂嘔逆是也由臟腑積熱風毒上
攻而然急服紫金丹勝金丹汗之活命飲加黃連桔梗
升麻或黃連消毒飲降火消毒之劑六七日刺得黃白
膿者可治乾枯紫陷刺之無膿吐逆煩躁神昏不食者

死 或問眉心生疽何如曰是名眉心疽一名面風毒
屬足太陽膀胱經風熱壅結陰陽相滯而生急服紫金
丹蟾酥丸汗之或一粒金丹下之若黑色痛甚或麻或
痒寒熱併作者疔也

目皆瘍

詳見雜病眼
目門茲不贅

鼻疽

或問鼻柱上生疽如何曰是名鼻疽屬手太陰肺經風
熱及上焦鬱火所致宜千金漏蘆湯活命飲加梔子木

通薄荷桔梗

發髭

鬼遺云鼻下一處人中兩處為發髭此多因摘髭外入而結攻作不常寒熱相併此亦害人 或問兩腮及鼻下焮腫生瘡惡血淋漓何如曰此名疔疽屬陽明胃經三日口噤如瘕角弓反張按之如疔釘著骨痛不可忍是也急服烏金散活命飲加桔梗升麻梔子壯實者一粒金丹下之稍緩則毒攻心嘔吐不食昏迷躁亂譫語

者死 或問地角上生癰何如曰是名髡毒屬足陽明
經風熱所致用活命飲加芩連玄參梔子桔梗以清熱
壯實者一粒金丹下之若撼之有根肌肉不仁或麻或
痺寒熱大作煩悶嘔逆者疔也

顴瘍

或問顴骨內卒然而痛經宿而痛甚寒熱大作何如曰
此顴骨肉疽也屬上焦與陽明經鬱火所致宜活命飲
加升麻桔梗乾葛水酒煎服仍與烏金散奪命丹汗之

可消 或問一人年五十忽顴骨上初覺如松子漸大如胡桃不甚腫微赤微痒或云痰核或云結毒或作瘤治何如曰皆非也是名顴疽屬陽明經積熱所致用紫金丹烏金散活命飲加製過南星服之而消 按靈樞曰心病者顴赤又曰腎病者顴與顏黑然則當察其色赤者宜以黃連安神丸降心火補心丸養心血黑者宜以地黃丸滋腎水未可專委之陽明鬱火也

頰瘍

或問頰腮生瘡何如曰此名金腮瘡初如米粒漸大如豆久而不治潰蝕透頰屬陽明經初宜服勝金丹活命飲加升麻桔梗黃連消毒散選用壯實者一粒金丹下之治不得法潰爛不斂口吐臭痰喘急神昏者死

犀角升麻湯 治陽明經絡受風熱口唇頰車髮鬢腫

痛及鼻額間連頭痛不可開口雖言語飲食亦相妨

犀角

染錢半

川升麻

兩半

防風

黃芩

各叁錢半

香白芷

白附子

川芎

各貳錢半

羌活

叁錢壹

生甘草

壹錢半

右咬咀都作一服水伍盞煎至叁盞半去滓分作叁服一日一服訖其證必減如臟腑有些澹不妨足陽明胃經也經云腸胃為市又云陽明多血多氣胃之中腥羶五味無所不納如市廛無所不有也六經之中血氣俱多腐熟飲食之毒聚於胃故此方以犀角為主飲食之毒陽明經絡環唇挾口起於鼻交額中循頰車上耳前過客主人循髮際至額顙昔王公患此一經亦以升麻佐之餘藥皆滌除風熱升麻黃芩

專入胃經故用有効

發頤

非腮

或問腮臉生毒何如曰此名腮頤發肌肉浮而不著骨者名疔腮俱屬陽明風熱所致急服活命飲加玄參芩連水酒煎服及紫金丹汗之或問額骨之下頤頤之上耳前一寸三分發疽何如曰此名頤發古云不治之證屬陽明經熱毒上攻宜活命飲加升麻桔梗黃連水酒煎服紫金丹奪命丹汗之壯實者一粒金丹下之老弱

者十全大補湯黃芪內托散人參養榮湯若治不得法
延及咽噤潰爛穿口不食者死嘗見一婦人患此證經
水適至一醫開之嘔逆不食而死又一人患此醫用點
藥潰爛臭穢以致虛火上升吐血痰譫語而死 薛
肱屬足陽明胃經或外因風熱所乘或內因積熱所致
若腫痛寒熱者白芷胃風湯內熱腫痛者升麻黃連湯
外腫作痛內熱口乾者犀角升麻湯內傷寒涼不能消
潰者補中益氣湯發熱作渴大便秘結者加味清涼飲

表裏俱解而仍腫痛者欲作膿也托裏散若飲食少思胃氣虛弱也六君子湯肢體倦怠陽氣虛弱也補中益氣湯膿毒既潰腫痛不減熱毒未解也托裏消毒散膿出而反痛氣血虛也人參內托散發熱補熱陰血虛也八珍湯惡寒發熱氣血俱虛也十全大補湯若腫焮痛連耳下者屬手足少陽經當清肝火若連頤及耳後者屬足少陰經火當補腎水患此而有不治者多泥風熱過用剋伐之藥耳按素問云腎熱者頤先赤故頤屬足

少陰腎經也而今醫師以耳後一寸三分發銳毒者名曰發頤則是少陽分野薛氏亦以為屬足少陰經當補腎水者何也蓋腎為相火之宅宅完且固而火得歸息焉則治腎正所以治少陽也此證傷寒汗出不徹者多患之亦有雜證客熱久而不散而發於頤者宜以藥速消散之失治成膿則費手矣若又用剋伐之藥而不滋補其氣血即穿口穿喉而死一人年踰三十夏月熱病後患頤毒積日不潰氣息奄奄飲食少思大便不禁

診脉如無經曰脉息如無似有細而微者陽氣衰也齊氏曰飲食不入大便滑利腸胃虛也以六君子加炮薑肉豆蔻破故紙數劑泄稍止食稍進更加黃蘗當歸肉桂潰而膿水清稀前藥每服加熟附一錢數劑泄止食進膿漸稠再以十全大補湯加酒炒芍藥白朮月餘而愈地官陳用之服發散之劑寒熱已退腫痛不消此血凝滯而欲作膿也用托裏消毒散而膿成又用托裏散而潰但膿清作渴乃氣血虛也用八珍加麥門五味

三十餘劑而愈 上舍盧懋樹患此而尺脉數證屬腎
經不足誤服消毒之劑致損元氣而不能愈余用補中
益氣六味九料而痊 上舍熊棟卿願後患之膿清體
瘦遺精盜汗晡熱口渴痰氣上湧久而不愈脉洪大按
之微細屬腎氣虧損所致遂用加減八味九料并十全
大補湯而愈 一婦人素內熱因怒耳下至頸腫痛寒
熱此肝經火燥而血虛用柴胡梔子散而腫痛消用加
味逍遙散而寒熱退用八珍湯加丹皮而內熱止

連翹敗毒散 治發願初腫服此消之

羌活

中

獨活

中

連翹

上

荆芥

中

防風

中

柴胡

中

升

麻

下

桔梗

中

甘草

下

川芎

中

牛蒡子

新瓦上炒研碎用

中

當歸尾

酒洗

紅花

酒洗

蘇木

下

天花粉

中

右用水壹鍾好酒壹鍾同煎至壹鍾去滓徐徐溫服

如未消加穿山甲

蛤粉炒

腫至面者加香白芷

壹錢

漏

壹錢

蘆

伍分

如大便秘實者加酒浸大黃

壹錢

壯者倍用之

凡內有熱或寒熱交作者倍用柴胡加酒洗黃芩

壹錢

酒炒黃連

壹錢

加味消毒飲子

治搭腮腫

防風

荊芥

連翹

牛蒡子

羌活

甘草

各等

分

右為麤末水煎三兩服散毒然後用藥塗腮腫處切不可先使用藥塗毒氣入喉中不救

內托消毒散

治發頤有膿不可消者已破未破服之

人參

中

黃芪

上

防風

中

白芷

中

川芎

中

當歸

中

桔

梗中連翹中升麻中柴胡中金銀花中甘草節中

右用水壹鍾好酒壹鍾同煎壹鍾去滓徐徐溫服瘡破者以玄武膏貼之四圍赤腫不退者仍以後藥塗之兼服蠟礬丸最妙

消毒救苦散 消腫散毒用米醋調塗傅四圍留頭如乾即又傳

大黃錢參黃芩 黃連 黃檗 芙蓉葉 大薊根

白芨 白薇 天南星 半夏 紅花 檀花

當歸尾

赤小豆

白芷

各壹錢半

朴硝

雄黃

另研

未以上

各壹錢

一方用見腫消草生白芨白薇土大黃生大薊根野芋
麻根共搗成餅入朴硝壹錢和勻貼腫上留頭勿貼如
乾即換之若更加山慈菇金線重樓根尤妙

百合散 治頤頰瘡一名獨骨瘡

百合

黃礬

各壹兩

白芨

貳錢半

草麻子

伍拾粒研

右為末用朴硝水和作餅貼之日三五次

二金散 治大人小兒蝕透腮頰初生如米豆名含顙瘡

雞內金 鬱金

右等分為末先用鹽漿酒漱了貼之

芙蓉傳方 治顙頰腫痛或破成瘡

芙蓉葉 不均多少

右搗爛傳之以帛紮定日一換

神効方 治疔腮及癰疽發背瘡癰等證

赤小豆 為細末 以新汲水調敷瘡上及四邊赤腫處乾

則再傳之

面瘡

或問面遊風毒何如曰此積熱在內或多食辛辣厚味
或服金石剛劑太過以致熱壅上焦氣血沸騰而作屬
陽明經初覺微痒如蟲蟻行搔損則成瘡痛楚難禁宜
服黃連消毒散去人參加薄荷梔子及活命飲加桔梗
升麻紫金丹烏金散選用外用祛風潤肌之劑敷之治
面部生瘡或鼻脰赤風刺粉刺用盡藥不効者惟此藥

可治其神妙不可言每以少許臨卧時洗面令淨如面
油用之數日間瘡腫處自平赤亦自消風刺粉刺一夕
見効仍塗藥勿近眼處

生硫黃

香白芷

瓜蒌仁

膩粉

各半錢

全蝎

染枝

蟬蛻

伍枚洗

芫青

染枝去足翅

右為細末麻油黃蠟約度如合面油法火熬鎔取下
離火入諸藥在內每用少許塗面上

山面瘡水調平胃散塗之

干治臉上熱瘡涎出以蒲黃傅上瘥

東洗面藥方治面有黥點或生瘡及粉刺之類并去皮

膚燥痒垢膩潤澤肌膚

皂角

三斤去皮
弦子另搗

糯米

一升
二合

菴豆

八合
揀淨另搗

楮實子

五兩

山奈子

縮砂

連皮
半兩

白芨

二兩
肥者剉

甘松

染錢

升麻子

半兩
白丁香

五錢
臘月收揀淨

右七味同為細末訖和菴豆糯米粉及皂角末一處

攪勻用之効

面油摩風膏

麻黃

五錢

升麻

防風

各貳錢

當歸身

白芨

各壹錢

羌

活

去皮壹兩

白檀香

伍分

右以綿裹定前藥於銀石器中用油五兩同熬得所
澄清去渣以黃蠟壹兩再煎熬為度

榮肌如玉散

白丁香

白蒺藜

白牽牛

白芨

白蘇

小

椒

各壹兩

香白芷

柒錢

當歸稍

升麻

各半兩

楮實子

肆錢

白茯苓

錢 叁

白附子

貳錢 半

麻黃

去節 貳錢

連翹

壹錢 半

右為細末每服半錢多少洗之

塗點點不令生瘡

豬苓

麻黃

桂枝

白蒺藜

白附子

連翹

防風

白薇

白芷

當歸身

升麻根

白芨

右等分為細末洗面用之臨卧唾調少許塗面上

肘療面多𧈧黷如雀卵色以殺羊膽

壹枚

酒

貳升

煮叁沸塗

拭之三日瘥治面上粉刺搗兔絲子絞汁塗之

竹白附丹

治男子婦人面上黑斑點

白附子

壹兩

白薇

白芨

白茯苓

蜜陀僧

白

石脂

定粉

各等分
研細

右為細末用洗面藥洗淨臨睡用人乳汁加無用牛乳或雞子清調和九如龍眼大逐日溫漿水磨開傳之

白附子散

治面上熱瘡似癬或生赤黑斑點

白附子

蜜陀僧

茯苓

白芷

定粉

各等分

右為末先用蘿蔔煎湯洗面淨後用羊乳調至夜敷
患處次日早洗去効

祛風白芷散 治面上風癬瘡

白芷 參錢 黃連 黃檗 黃丹 各貳錢 茯苓 壹錢 輕粉 伍分

壹錢

右為細末用酒調搽癬瘡上或加孩兒茶貳錢麝香
貳分亦可

牙叉發

鬼遺云左右牙又骨接處發癰疽腫處脹攻骨及牙關
張口不得因諸風熱上攻或多食燒炙之物所為或因
患牙癰即從牙縫中破出膿血切忌外風水觸犯按
此係陽明經鬱熱治宜清胃散甘露飲防風通聖涼膈
之屬量虛實表裏用之若服寒涼過多火不歸源者服
理中之屬佐以薑附始安

承漿癰

或問地角上生疽何如曰是石頰癰屬陽明胃經積熱

所致用白芷升麻湯活命飲加升麻桔梗更服紫金丹汗之壯實者一粒金丹下之

耳發

或問耳輪生疽何如曰是名耳發疽屬手少陽三焦經風熱所致六七日漸腫如胡桃或如蜂房之狀或赤或紫熱如火痛徹心是也十日刺出黃白膿者生刺之無膿時出鮮血飲食不進神昏狂躁者死小兒耳發旁生者相傳指月而生恐未必然大抵風濕熱毒成疔故名

水銀膏 治月蝕瘡之在兩耳上及竅傍隨月虛盈

水銀

貳錢半

胡粉

研

松脂

黃連

淨

輕粉

各貳錢

臙脂

壹錢

麝香

少許

右為末先以溫米水入鹽洗拭後摻藥如瘡乾麻油

調敷

耳內瘡

或問耳中生毒何如曰耳中所患不同皆由足少陰手少陽二經風熱上壅而然其證有五曰停耳亦曰耳濕

常出黃膿有耳風毒常出紅膿有纏耳常出白膿有耳
疳生瘡臭穢有震耳耳內虛鳴常出清膿雖有五般其
源一也皆不寒熱有耳聾耳痔則不作膿亦不寒熱外
無臃腫但耳塞不通已上纏綿不已令人耳聾活命飲
黃連消毒飲治之若寒熱間作內外紅腫疼痛日增者
為耳癰用活命飲加升麻桔梗紫金丹烏金散壯實者
一粒金丹下之若寒熱大作痛楚難禁者疔也作疔治
之

東垣黍粘子湯 治耳內痛生瘡

桔梗

半兩

柴胡

黃芪

各叁分

連翹

黃芩

黍粘子

當歸稍

生地黄

黃連

各貳分

蒲黃

甘草

炙龍

膽草

昆布

蘇木

生甘草

各壹分

桃仁

壹錢

紅花

少許

右件劉如麻豆大作一服水貳大盞煎至壹盞去渣
少熱服食後忌寒藥利大便

羅治耳內生瘡者為足少陰是腎之經也其氣通於耳

其經虛風熱乘之隨脉入於耳與氣相搏故令耳内生瘡也曾青散主之

曾青散 治耳內有惡瘡

雄黃

半兩

曾青

半兩

黃芩

半兩

貳錢

右件搗為細末研勻每用少許納耳中有膿出即以綿杖子拭乾用之

黃連散

黃連

半兩

白礬

枯半兩

錢半

右搗為細末每用少許綿裹納耳中

餘詳雜病第八耳門

耳根毒

或問耳根結核何如曰是名耳根毒狀如痰核按之不
動而微痛屬足少陽膽經兼三焦經風熱所致用活命
飲加升麻柴胡水酒煎服或烏金散汗之壯實者一粒
金丹汗之老弱者黃芪內托散十宣散托之 一人勞
倦耳下焮腫惡寒發熱頭疼作渴右脉大而軟當服補

中益氣湯彼自用藥發散遂致嘔吐始信予用六君子湯更服補中益氣湯而愈 大抵內傷榮衛失守皮膚間無氣滋養則不任風寒胃氣下陷則陽火上衝氣喘發熱頭痛脉大此不足證也誤作外感表實而反瀉之寧免虛虛之禍東垣云內傷右脉大外感左脉大當以

此別之

按左脉大屬外感此亦難憑必須察形觀色審證兼之以脉乃得不誤丹溪治一老人飢寒作

勞患頭疼發熱惡寒骨節痛無汗妄語脉洪數而左甚治以參芪歸朮陳皮甘草每貼加附子一片五貼而愈

又一少年九月間發熱頭疼妄語大渴形肥脉數大左甚以參朮君苳苟臣芪佐附一片使蓋人肥而脉左

大于右事急矣非附則參芪無捷効五十貼大汗而愈此皆左脉大丹溪悉以內傷治之若依東垣認作外感寧不殺人 一婦耳下腫痛發寒熱與荆防敗毒散四劑表

證悉退以散腫潰堅湯數劑腫消大半再以神効瓜蒌散四劑而平 一人肝經風熱耳下腫痛發熱脉浮數

以薄荷丹治之而消 一婦因怒耳下腫痛以荆防敗毒

散加連翹黃芩四劑而愈 嘗治此旬日不消者以益

氣血藥及飲遠志酒並効無膿自消有膿自潰 一婦

因怒耳下焮痛頭痛寒熱以荆防敗毒加黃芩表證悉

退但飲食少思日晡發熱東垣云雖有虛熱不可大攻
熱去則寒起遂以小柴胡加地骨皮芎歸苓朮陳皮十
餘劑而愈次年春復腫堅不潰用八珍湯加香附柴胡
地骨皮桔梗服至六七貼以為延緩仍服人參敗毒散
勢愈盛又服流氣飲則盜汗發熱口乾食少至秋復求
診視氣血虛極辭之果歿 一人每怒耳下腫或脇作
痛以小柴胡湯加青皮紅花桃仁四劑而愈 一女性
急好怒耳下常腫痛發寒熱肝脉弦急投小柴胡加青

皮牛旁子荊芥防風而寒熱退更以小柴胡湯對四物
數劑而腫消其父欲除病根子謂肝內主藏血外主榮
筋若恚怒氣逆則傷肝肝主筋故蓄結而腫須要自加
調攝庶可免患否則肝迭受傷不能藏血血虛則難差
矣後不戒果結三核屢用追蝕不斂而歿 一人遠途
勞倦發熱脉大無力耳下患腫此勞損也宜補中益氣
養榮湯自然熱退腫消彼不聽服降火藥及必効散果
吐瀉不食而死 夫勞倦損氣氣衰則火旺火乘脾土

故倦怠而熱此元氣傷也丹溪曰宜補形氣調經脉其
瘡自消不可汗下若不詳脉症經絡受病之異而輒用
峻厲之劑鮮不危矣

耳後疽

參發
頤

或問耳後一寸三分生疽古云不治之證今有一人年
二十四歲耳後結塊如拳肉色不變亦不甚痛七日不
食何如曰此名耳後毒非癰也隔蒜灸之活命飲加柴
胡桔梗升麻八陣散下之愈 張通府耳後髮際患腫

一塊無頭肉色不變按之微痛彼謂痰結脉軟而時見
數經曰脉數不時見瘡也非痰也仲景云微弱之脉主
血氣俱虛形精不足又曰沉遲軟弱皆宜托裏遂用參
芪歸朮川芎炙甘草以托裏少加金銀花白芷桔梗以
消毒彼謂不然內飲降火消痰外貼涼藥覺寒徹腦患
處大熱頭愈重食愈少復請治以四君子加藿香炮薑
服數劑食漸進膿成刺之更以十全大補湯去桂炙以
豆豉餅又月餘而愈 羅宗伯耳後髮際患毒焮痛脉

數以小柴胡加桔梗牛旁子金銀花四劑而愈 一人
耳後患毒脉證俱實宜用內疎黃連湯彼以嚴冬不服
寒劑竟至不起 一人耳後寸餘發一毒名曰銳疽焮
痛寒熱煩躁喜冷此膽經蘊熱而然先用神仙活命飲
一劑勢減二三時值仲冬彼惑于時寒遠寒之禁自用
十宣托裏之藥勢漸熾耳內膿潰喉腫開藥不能下而
沒

總論

薛耳瘡屬手少陽三焦經或足厥陰肝經血虛風熱或
肝經燥火風熱或腎經虛火等因若發熱煖痛屬少陽
厥陰風熱用柴胡梔子散若內熱痒痛屬前二經血虛
用當歸川芎散若寒熱作痛屬肝經風熱用小柴胡湯
加山梔川芎若內熱口乾屬腎經虛火加味地黃丸如
不應用加減八味丸餘當隨證治之 候選姚海山耳
根赤腫寒熱作痛此屬三焦火熱也但元氣素虛以補
中益氣加山梔炒黃芩牛旁子治之而愈 一儒者因

怒耳內作痛出水或用祛風之劑筋攣作痛肢體如束
此肝火傷筋也用六味九料數服而愈 舉人毛石峰
子年二十二內出水或作痛年餘矣脉洪數左尺益甚
此屬肝腎二經虛熱也用加減八味九料一劑而愈

一男子每入房耳內或作痒或出水常以銀簪探入甚
喜陰涼此屬腎經虛熱也用加減八味九而愈 一婦
人因怒發熱每經行即兩耳出膿兩太陽作痛以手按
之痛稍止怒則胸脇乳房脹痛或寒熱往來或小便頻

數或小腹脹悶此皆屬肝火血虛也先用梔子清肝散
二劑又用加味逍遙散數劑諸證悉退又以補中益氣
加五味而全愈 一婦人經行後因怒氣勞役發熱寒
耳內作痛余以經行為血虛用八珍湯加柴胡怒氣為
肝火用加味逍遙散勞役為氣傷用補中益氣湯加山
梔而愈 一婦人耳內作痛或腫聾寒熱發熱面色素
青黃經行則變赤余以為怒氣傷肝鬱結傷脾用加味
歸脾湯加味逍遙散而愈 一婦人耳內腫痛寒熱口

苦耳內出水喉連頸項飲食少思此肝火甚而傷脾也
用小柴胡湯加山梔牡丹皮稍愈用加味逍遙散及八
珍湯加柴胡山梔丹皮調補肝脾而全愈 一孀婦或

耳內外作痛或項側結核內熱晡熱月經不調唾痰少
食胸膈不利余以為鬱怒傷肝脾朝用歸脾湯以解脾
鬱生脾氣夕用加味逍遙散以清肝火生肝血而愈

太卿魏莊渠癸卯仲冬耳內作痛左尺洪大而澀余曰
此腎水枯竭不能生肝木當滋化源彼不信仍雜用直

補之劑余謂其壅陸時若曰莊渠不能生腎水來春必
不能起至明年季春十八日復請治昏憤不語頤耳之
分已有膿矣且卵縮便數方信余言求治辭不克用六
味丸料壹鍾陰莖舒出小便十減六七神思頓醒余曰
若砭膿出庶延數日為立嗣之計否則膿從耳出死立
待矣或謂不砭可生者余因辭歸翌日果耳內出膿至
二十一日巳未火日而卒 憲副姜時川癸卯冬右手
寸口浮數而有痰口內若有瘡然余曰此胃火傳於肺

也當薄滋味慎起居以禦之甲辰秋尺脉洪數而無力
余曰此肺金不能生腎水無根之火上炎也宜靜調養
滋化源以治之彼云今喉耳不時燥痛肢體不時發熱
果是無根之火損無疑矣後舍劉古峽云姜公之病已
如蓴料遂拉同往視喉果腫潰脉愈洪大又誤以為瘡
毒而投苦寒之劑卒於仲春二十八日乃藥之促其亡
也否則尚能延至仲夏

當歸川芎散

治手足少陽經血虛瘡證或風熱耳內

痒痛生瘡出水或頭目不清寒熱少食或婦女經水
不調胸膈不利脇腹痞痛

當歸

川芎

柴胡

白朮

芍藥

各壹錢

山梔

炒壹

錢貳分

牡丹皮

茯苓

各八分

蔓荊子

甘草

各伍分

右水煎服

若肝氣不平寒熱加地骨皮

肝氣實加柴胡黃芩

氣血虛加參芪歸地

脾虛飲食少思加苓朮脾

虛胸膈不利加參芪

痰滯胸膈加朮牛

肝氣不

順胸膈不利或小腹痞滿或時攻痛加青皮 肝血
不足胸膈不利或小腹滿痛加熟地黃 肝血虛寒
小腹時痛加肉桂 日晡發熱加歸地

梔子清肝散

一名柴胡
梔子散

治三焦及足少陽經風熱耳

內作痒生瘡或出水疼痛或胸乳間作痛或寒熱往
來

柴胡

梔子

炒

牡丹皮

各壹錢

茯苓

川芎

芍藥

當歸

牛蒡子

炒各柒分

甘草

伍分

右水煎服 若太陽頭痛加羌活

加味地黃丸 治肝腎陰虛瘡證或耳內痺痛出水或

眼昏痰氣喘嗽或作渴發熱小便赤澀等證


乾山藥 山茱萸 牡丹皮 澤瀉 白茯苓

熟地黃 柴胡 五味子

各另為末等分

右將二地黃搗碎酒拌濕杵膏入前末和勻加煉蜜為丸桐子大每服百丸空心白湯送下不應用加減

八味丸



證治準繩卷一百七